


文莊集



欽定四庫全書

文莊集卷二十八

宋夏竦撰



祭文

中書祭故大尉尚書令王文貞公文

炎正宣精昂靈儲粹載降英賢允懷明懿心有常照材
無定器沉寂內融矜言外賁潤色暮訓藻鹿詞豐周旋
樞近識茂言忠爰禔袞職克亮天功疇咨熙載若時登
庸慮善興謀協中布畫靡卹人言務均王澤內靖九流

外清四貉畫像雲臺鏤勲丹冊蘿圖錫祉颺御延禧梁
陰讓德睚壤奉祇朝元景毫薦號真詞交闕秘藏首贊
鴻儀懿彼嘉猷邁茲亨會曠古難偕前良罕對異寵雲
遊隆思澤霈禮絕地尊功高貴倍封踰萬室位冠三階
憂民瘁志體國勞懷辭榮中鉉進秩東臺叩閣斯切出
綽終回存陟上公靖顛司館霜露增憂龍蛇起歎玉塵
停揮瑤琴罷玩疹積膏肓身悲夢幻責霞難挹瓊藥無
徵太醫連袂中使盈庭載紆詔蹕深惻皇情拖紳猶對
逝水俄頃痛極殲良哀深撫几制服推思易名進美宅
北將安塗島旣脩衢巷輟春都城罷市某等早陪伊鼎
獲奉簫規情條共恠嵩恒方隳徘徊素館顧慕容衣恭
陳宿奠永隔清徽

行狀

故金紫光祿大夫行尚書工部侍郎致仕上柱
國彭城郡開國侯食邑一千三百戶食實封四
百戶贈刑部侍郎朱公行狀

曾祖起皇唐大理司直

祖泌皇唐夏州安撫判官檢校比部員外郎

父葆光皇唐江陵府當陽縣尉緊贈戶部郎

中

潭州衡山縣紫蓋卿雲峯朱昂字舉之年八

十三

公世京北漢陂人唐天復末烈考避地穰中梁太祖革
命與唐舊臣顏克李濤等數十家南趨衡嶽下每冬至

歲旦必序立於南嶽司天祠前北望號慟日月昏噎天
地悽慘殆二十五年淪喪垂盡唯李濤一族北歸公以
家世儒業與進士熊若谷鄧洵美力學有朱遵度好讀
書人謂之大萬卷謂公為小萬卷時中國多故四方幅
裂躬侍老母急於祿卷嘗與友婿張憚間行路出廬陵
遇道士謂之曰非久中原當有真主混一天下公社至
四品安用南為遂北遊江淮遇周世宗南征招討使韓
公令坤至揚州公杖策軍門告以治亂方畧韓公器之

使知永直縣事兵革之際逋逃過半公便宜綏輯歸者
七千餘家韓公表授永真令秩滿南歸太祖皇帝即位
故相國李公昉以給事中出使澘湖外物色異人公與東
平呂夔入謁傳舍李公延見甚喜尤加賞識謨南征錄
云朱呂二君甚可語道洎李公就知衡州奏公為錄事
叅軍秩滿調授襄州宜城令尋除太子洗馬知蓬州又
就知廣安軍時渠州妖賊李仙聚衆踰萬劫掠軍界公
設策擒之果台渝涪四州之民連結為妖者一切不問
實人遂安時宰相薛相薛公居正謂公有斷而識體遷殿
中丞知泗州大宗嗣位江表初平李氏銜璧吳越獻地使
驛係道舟車遙午共億餉饋倉卒畢給聚淮濱流屍三
千為塚瘞之有戍卒謀亂公止誅首惡悉貸枝黨人感其
惠淮南歲漕米三百萬石公督其程運左右漕事朝議
美之就遷監察御史充江南轉運副使職滿知鄂州未
幾加殿中侍御史充峽路轉運副使就遷庫部員外郎
充轉運使受代歸闕太宗問以夔峽邊事敷奏稱旨命

直祕閣面賜金紫時年六十有五在職二年以衰老求
郡出知復州宰相李公昉洎文館近職皆以詩送行到
郡暮歲上表乞致仕不允次年郊祀改元至道遷水部
郎中復乞致仕太宗謂宰臣朕知此人可召赴闕既至
再命直祕閣又二年兼起王府記室公雅正好禮王甚
憚之真宗即大位越王封雍王公亦改雍府記室明年
遷司封郎中知制誥兼判史館時上以館閣舊書編簡
散墜命公同內臣皇城使勝州刺史劉承珪與判昭文
館集賢院完緝殘缺區分部類事畢上其目加吏部郎
中職如故明年以本官充翰林學士周歲公年七十七
矣嘆曰少值亂離老遇清世被知獎顧邈疇列草枯木
朽其將奈何遂抗表請老便殿召對敷諭再三志不可
奪乃授工部侍郎致仕翌日命閣門祇候內殿崇班張
士宗就第賜器幣舊制致仕官授訖放朝謝今刑部尚
書薛公映時知制誥上特命映就公第召對從容獻納
漏下數刻將退復曰卿閒居多暇無忘公家或有章疏

可附遞以聞又問以歸老之地公奏以嘗從事江陵有
獎廬可以自蔽翌日命賜全俸公懇讓數四方允其請
勅荆南官吏曰朕以朱昂素有儒學方居內庭拜章退
身其志不奪授貳卿之秩表尚齒之恩斯為賢臣實可
嘉獎仰本府候朱昂到日常切存問有表章附遞以聞
仍詔公候秋涼戒路發日命兩制丞郎三館臣寮祖道
於南薰門中使賜宴於玉津園冠蓋盈路供帳甚隆榮
動中外光震都國明年開封府秩進士遂以玉津園

宴送朱翰林歸渚官為詩題為時所貴尚如此舊相張

公齊相洎諸近臣有詩五十三章禮部尚書知開封府
溫公仲舒有長韻詩一章和者一十三人朝野榮之公
始至家病瘥復有詔撫問之曰卿閣筆鼈禁挂車渚宮
言歸當隆暑之時行邁有長途之後諒因勞止暫染微
疴况卿自樂高年素知善攝宜加頤養以就痊平眷顧
之懷寢興無已疾愈但閉戶靜居不交塵雜專以讀書
養素為樂深達釋老之旨自稱退叟所居東偏有官隙

地數畝詔以賜公遂建二字一曰知止一曰幽棲有仲
弟協時為主客郎中佩服金紫以書指之協以請老來
歸時人榮之比漢二疏數年著資理論三卷凡六篇上
之論時政賞罰得失及言天下至廣尤須賢才以為治
具若限以常牒則英雋之士沉於下位上嘉之降詔獎
諭曰卿文學俱優踐歷斯久竭節已彰於躬行退身自
保於安寧猶勤愛戴之心以備討論之典頗資理道深
体純誠勉順休和宜加頤養其書仍付史館同州觀察
使李公士衡為荆湖北路轉運使以公所得鄉相餞行
詩刻石於承天院今龍圖給事中陳堯咨守荆南日視
揭榜以分所居里巷為東西致仕坊景德四年公豫撰墓
誌月而不日以季夏二十三日捐館朝廷哀悼賻帛百
尺錢十萬米酒麵有差賜孫适同學究出身非常典也
門人私謚靖裕先生禮也先有廖圖者與弟凝姪融居
南嶽皆工詩有名于代世有家法公娶圖女封姑臧郡
君至次子正辭之升朝也贈太原郡太君公贈刑部侍

卽公善誨子弟博貫儒術男五人長正彛進士及第仕
至光祿寺丞次正基今為殿中丞同判彭州次正紀今
為潭州湘鄉令次正用今為左侍禁知欽州次正辭年
十九進士及第今為太常博士江南西路提點刑獄勸
農使賜緋魚袋姪頓進士及第今為司封員外郎知隨
州亞正旬進士及第終江陵府監利縣主簿正臣進士
及第仕至太常博士三司戶部判官諸孫用蔭見在殿
中丞縣令主簿者五人女二人長適故左正言直史館
兼直秘閣夏侯嘉正次適今尚書右丞集賢院學士馮
公亮其積德至盛有如此者公操履方重志節清白歷
官四紀家無餘財淡於榮進深恥流競為太子洗馬十
有五年未嘗屑意在禁林非公事不至兩府所得之物
取三之一散購奇書躬自補綴是正文字及其退居有
書萬卷太宗皇帝之在位也製九絃琴七絃阮多士獻
頌萬公首下詔褒美真宗皇帝初授徽冊公奉制撰文
辭体深厚其餘述作甚多常鍾愛今太博以為紹我家

事者此子公沒後太博歷官皆有能聲孜孜為學編次
公平生所著為三十卷今相國司空太原公序引冠篇
見鏤版行於世夫紱冕在躬飾表所以招累公歷事三
朝訖無玷毀其清慎者也血氣既衰入朝所以忘返公
懇辭近職甘於退伏其高尚者也死生之變智者休焉
公豫決大廟期順物之化其達生者也家庭之訓昔人
難之公躬導諸子厥後甚大其善教者也舉是四節足
為名臣恭敘遺芳敢告太史謹狀

贈太師中書令冀國王公行狀

公之先周王子晉之後世家太原唐末高祖諱遐隨曾
祖冀公倅江西庶幕始占籍令喻祖鄭公生而警悟三
歲冀公教誦書日數百言七歲遂熟五經偽吳順義初
賜童子及第弱冠偽唐調偽授本縣尉屢宰劇邑陰布
德惠專以寬刑利物為意諸郡為累表為戎佐仕至常州
都團練判官檢校水部郎中通判軍州事歸朝終於濠
州團練判官父晉公幼有志節判誦墳典江南明經登

科選限未選復舉五經與故龍圖閣學士刑部侍郎杜
公錫同榜擢第特授中縣尉治有風迹秩滿而終初晉
公侍鄭公任鄂州通判日秦國夫人有娠就薦之且江
水暴溢將壞廨舍亟遷於黃鶴樓既多^夕生公或言漢陽
居人遙望樓際若有氣象公幼而秀異資性機敏六歲
丁秦國夫人之喪十二鍾晉公之戚哀瘡以禮有如成
人初秦國夫人疾啟鄭公曰此兒生時頗有異將大王
氏門戶願愛之鄭公視如子保育於魯國夫人敏於家
庭不就外傳涉獵書傳詞筆早成鄭公之左翼莫也公
甫十八歲太宗皇帝弟伐大鹵謨晉平賦論獻於在行而
還鄭公益奇之待以賓禮鄭公移濠梁公應進士舉將
拔覃懷解鄭公三止之曰吾年七十有三恐不逮汝之
返也公既行距時鄭公忽不夕沐浴更衣會家人置酒
夜公疏記後事且曰吾歷官五十餘載慎刑罰活人多
矣後有興者其在吾孫乎遽捨筆就枕而薨府中聞樂
聲冷然公淳化三年第十一人擢第釋褐試秘書省校

書郎亳州防禦推官勵精吏職屬朝廷遣著作佐郎直
史館會中使李知信察近郡風俗吏民狀公政迹會
等上之有詔褒諭就遷~~改~~禦判官加文散十階尚書屯
田員外郎舒公薦公藝文可稱溫裕有教特改秘書郎
司市征於淝工真宗即位就遷太常丞時大統初集急
於用人詔近臣舉轉運使副三司判官給事中喬公維
岳首以公詔召赴闕主判三司憑由理欠司賜五品應
服公抗疏請盡蠲宿逋用廣寬惠辭甚詳切上嘉納之
未幾命寄府召試孝為德本頌授右正言知制誥歷判
大理寺審刑院賜服金紫三年權知貢舉召入翰林為
學士時蜀寇始翦反仄未安朝廷切於綏集以公充西
川安撫使寬宥枝黨蠲去逋租驛奏便宜大慳上旨趣
遣使召還授左諫議大夫參知政事明年郊祀加給事
中景德中契丹寇北鄙駕將幸澶淵特加工部侍郎判
天雄軍兼兵馬都總管並參豫如故猷騎引退王師凱
旋公以台席不協懇退時柄遷刑部侍郎上特置資政

殿學士員以處之有司定議班在翰林學士之下尋充
南郊鹵簿使禮訖撰鹵簿記上之改兵部侍郎充資政
殿大學士位在翰林承旨之上尋知承進銀臺司兼門
下封駁三年遷尚書左丞知樞密院事修國史明年瑞
命集於東闕改元大中祥符泰山父老請紀云岱公
首建大議將明上志遂以公充封禪制置禮儀使兼判
兗州禮畢加禮部尚書受詔撰社首壇頌加戶部尚書從
祀睢邱加吏部尚書並掌機密明年加檢校太傅充樞
密使同中書門下平章事有詔仍帶天官之秩九皇降
格加檢校太尉七年罷樞要以吏部尚書奉朝請再典
銀臺之務未幾復拜樞密使如故九年典校道書畢加
檢校太師尋兼群牧制置使明年改元天禧上玉皇寶
冊禮畢加右僕射尋兼判禮儀院充會靈觀使亟遷左
僕射兼中書侍郎平章事監修國史明年充景靈官使
都總管判祥源觀事三年授太子太保判杭州歲餘召
還復為資政殿大學士加司空尋判授山南道節度使

檢校太師中書門下平章事判河南府輿疾還第除司
農卿分司南都今上即位改秘書監分司如故旋起授
太常卿知濠州遷刑部尚書知江寧府天聖元年九月
詔還制授司空門下侍郎平章事充玉清昭應宮使昭
文館大學士監修國史真宗寔錄畢加司徒二年郊祀
封冀國公三年冬十月兼譯經使赴上於傳法院歸第
感疾請告踰月詔使國醫相望於道十一月丙午聖駕
臨問賜白金五千兩戊申薨於東京永定坊第之正寢
遺命歸葬濠梁從祖塋也翌日皇太后車駕臨哭出涕
制贈太師中書令輟朝三日遣起居郎直史館修起居
注李仲容攝鴻臚卿護喪內侍省都知雅州防禦使韓守
英副之官給經費十二月乙卯上內殿成服哀榮之禮
近世無比公五子並先公而亡次子從益仕至贊善大
夫第三子慶之終於衛尉寺丞追賜進士及第女二人
長早亡次適大理評事張瓌故參知政事洎之嫡孫也
孫女一人適太子中舍陳執禮故尚書左丞恕之子也

外孫女一人男一人並幼遺奏之上嗣男將作監丞寅
亮詔授大理寺丞諸父比部員外郎判尚書刑部司農
寺仲微素負吏幹累更事任特授司勳員外郎餘戚屬
授官者九親信錄用者十五人夫人李氏世本名宗允
懷淑德累封崇國夫人公嘗言往歲曾行圃田宿村舍
夜起視天中有赤文成紫微二大字光耀奪目使蜀還
褒城路中遇異人視刺字乃唐相裴度晉公告公以點
定之語而隱公之貴也遂留心羽化之事凝神雲漢之
表多用道家科儀建壇場以禮神朱篆紫微二字陳于
醮所以餘俸修晉公祠於圃田自撰文書石以紀其事
永定在御真蔭方隆謁款神靈對越天地尊尚道德布
宣符瑞創圖訪對多自於公注意沃心無與為比若乃
頌祇雉壤奠璧瀨鄉杞恭謝之壇增耀魄之號公皆為
禮儀使法駕之展盛容也奉寶文以先道公繼為天書
禮儀副使同天書儀衛使路寢之尊景命也披帝籙以
肇宣公為讀天書禮儀使良金之範真儀也公為迎奉

聖像禮儀使溫王之勅乾文也公為天書同刻玉使前
後所賜手詔聖書無慮二百函奉和製及御和賜所
辭極詩僅三百餘首初罷參庶務備問內殿特賜宸
章辭極褒貴西鎮洛師南撫瀾水皆有睿作寵行榮冠
一時事超千古逢辰之感理絕名言尤善筆劄勢甚峭勁
自成一家老而益壯好奕碁以自娛嘗奉詔撰集翊聖
保德真君傳三卷先天紀三十卷五嶽廣聞一百卷與
諸賢同撰集冊府元龜一千卷彤管懿範二百卷又奉
詔撰禧祖太祖太宗謚冊今上徽號冊文汾陰朝覲壇
頌西京應天禪院大原資聖禪院碑銘天書祥符贊彤
管儀範序廣孝泉崇真橋記丹耕封東平公替皆為大
筆或臧秘館或行於世公出入兩府時將二紀敏於見
事詳於敷奏智術過人慎勤無及朝廷大議帷幄潛慮
或造膝以言或密封見達詭辭焚燬世莫得聞其茂功
懿績藏於盟府景行嘉鄭播諸物聽謹次官闕敢告良
史謹狀

故金紫光祿大夫檢校禮部尚書右神武衛大將軍致仕使持節康州諸軍事康州刺史元本州團練使上柱國開國伯食邑七百戶贈鎮南軍節度使太原王公墓誌銘

大天人之際疇德以交神明之後因聖斯啟在故漢則太一下降著畫法於壽官在唐則氣祖有言告鴻緒於仙李帝祚炎宋真蔭在天挺生異人潛達靈命清徽既往故可得而紀焉公諱中正字平叔本名揔汀州長汀縣人也其先緱嶺疏源將兵者三代太原辨族世祿者四房累紫重金寔繁於京洛分枝辨葉或播於甌陶禮讓傳家鄉開觀法至公曾祖安卷道懷寶洒塵落迹與物無累越世自高迺後李氏據有江表急於聚兵王父靖以州里之豪屈致戎校偽值百里指揮使烈考成以事繼烈軍始終於偽置宣猛指揮使累贈左屯衛將軍然皆命不逢辰職非所綽有繁祉茂啟後昆好公資氣淑均秉性淳厚幼失怙恃旁無周親逮於成人勉率賈

用雜良以苦既不忍為欲羸忠囂終非其樂以咸平初
祀憇星子故墟偶會羽人寔姓趙氏一見如舊巨測於
靈契信宿後別微有於緒言追及其各再遇茅嶺長房
奉酒雖未入於壺中君賢負笈遂同遊於江介繼市鉉
汞對成白金乃訪竒草於瀝陽辨靈夜於廬岫五圖金
紀授以采掇之名九井玉橫傳以合和之要仍別付靈
方環劔絨滕之書戒曰非遇人君慎勿輕述寶誨方畢
煙駕俄隱公乃累詣京室求見無階還過上饒佯狂自
異坐抵常禁謫戍嶺南艱危之中顛沛之際保護所授
不敢少懈未幾靈游荐至慰其憂虞復取神劔絨書且
云當候異日時供奉官閣門祇候謝德權遣總巡兵頗
聞異述及公私還轂下置對有司德權時方在朝奏請
免釋迺禮之私第鍊成藥銀上獻帝宸辭軍籍德權樂
公之道款侍累年制伏之珍盡昇而無吝秘授之事萬
計而不言一夕潛歸追及於路靈既幽啟睿聰有聞始
命景福使新州觀察勾當皇城司劉承珪案問之缺甚

隱惟堅請於面陳物色可知固潛與於心會承珪因為
改名中正俾詣登聞始得白見於潛圖閣下雲并之瑞
備對於綺窻栢寢之言悉驗於金刻乃授許州散掾留
止京師多與道人偶語於市承珪詰之乃曰即授法聖
師也王君既來遂容於請見金母將至亦有於傳言遂
以景德四年降皇城司解合紗厨中戴冠佩劍服皆青
色玉文雲福雖亞虛皇之尊紫羽華衣迥異上卿之貴
時承珪新堂方構靈御頒格金童列侍咸佩於印章天
官時來若技於名籍承珪竊聆旅語始知乃司命真君
焉國家每欲究皇儀展帝容受乾文襲黃瑞公皆密致
真誨有聞必先所以荐玉欽柴祥兆咸報起圖溢牒見
象日昭泊夫登岱勒封昭姓紀氏刻日千里之外時無
纖塵陟降萬仞之上安若平地非元真幽贊百神奉塗
則孰於此身以大中祥符三年加上聖號曰九天司
命天尊擢授公銀青光祿大夫神武軍將軍致仕乃給
金俸環列為重方比於鉤陳奉身甚高彌富於天爵四

年春貌牲雉上薦禮后皇金輝發於大河偉兆騰於冀
壤烏奕嘉應覺悟蒸藜乃授公本衛大將軍領高州刺
史賜勲上柱國加金紫光祿大夫階五年冬宮籥既嚴
夜漏將半彤霞采霧上屬慶霄芝蓋馬裝下臨祕殿縣
懸聖胄長發其祥翼帝心聿懷多福迺奉上號聖祖
上靈高道九天司命保生天尊大帝賜公爵平晉縣開
國男食邑四百戶七年春仁里肇禋嘉壇大報徽冊登
陞而密雲罷零法駕在郊而烈風遽息肸蠶之際昭報
甚明迺進公爵開伯伯增邑三百戶俄以本官檢校禮
部尚書領本州刺史兼御史大夫會稽未還嘗承衣繡
之問遼東遠別甚慰華表之思八年以分刺之權兼禁
有日諸武之衛久次當遷遂改左武衛大將軍康用團
練使皆使任如故若乃國家舉增高之典以揚鴻徽展
頌祇之儀以荅貺施荐混元之號以尊搜本佯曲密之
規以事上帝法太微之制以昭祖德肇五門之宇以崇
嶽鎮新六寢之位以壯宸居在展寀之初慶成之始咸

有靈命以藥金銀為公貢獻者累巨萬數輝夥絕異不
類世寶靈喻於方丈價倍於宋提豈止丹砂可戒方為
食器大山所出遂鑄曩蹄然自高真之降格也崇奉之
際唯承珪預卒後玉清昭應宮資善堂都監崇儀使入
內內侍省押班周懷政以慎重齊明嗣掌其事皇城司
新堂遂改為元符觀及承珪私第曰東宅公之通濟坊
私第曰南宅皆碧輦停颺之地太霞頓轡之所瓊子素
羽藻衛常嚴玉籟雲鈞遺響相繼唯公得奉見給使恭
侍左右焉九年秋霜露纏憂龍蛇起嘆王人臨視太醫
承詔使者羊道帝夢於來言王館在庭公知其獨召有
加之際真誨復宣曰慎密類汝者少塑形於景靈宮為
吾輔勿憂初公居甘泉坊第徙居南宅疾亟遂還甘泉
坊以十月乙亥啟乎足享年五十五上嗟悼久之命懷
政監護葬事贈鎮南軍節度使仍塑像於景靈宮天興
殿之左達菴之香顯十旬之異特弔之容有隻鶴之奇
以十二月甲申寔於開封府之汴陽鄉柎岡村娶渤海

施氏累封吳興郡君以公昭贈加等特進封本郡夫人
夫人生於景胄夙茂於閨風同穴之言嘗盟於皦日偕
老之痛蓋極於惟堂子四人曰世寧世長世昌世融並
任右班殿直學禮而立象賢以成既冠勝衣已聞於警
悟作室肯構佇見於蕃昌女四人姆訓甚嚴淑德皆備
奉嬪慶族未聞鳴鳳之祥率禮公宮將奉采繁之祭而
皆靡瞻頽泣何怙銜哀孺慕無時柴毀遇禮有後之美
豈曰誣哉公通簡有常慎然無比自肅祇真曠傳致靈
心非覲至尊未嘗輕泄至於黃冶可就靡敢忘施貢獻
之餘則周濟貧乏崇奉僊釋時論善之哀哉隙馬難留
藏舟易失育烏卜宅雖示於歸全太陰練形未知其化
去佳城既啟遠日有期慮宰木之將折堪芳猷之或墜
仰承中韶俾勤堅珉銘曰

靈玉之穆世烈滋芳誓淮猷吉解佩歸祥夾葉彌繁異
人挺出惟易言簡体放心逸仰緣靈契夙契元真潛通
密命昭啟昌辰慶發祥流禮交樂舉三境開光百神合

序朱房七映密侍醉容丹經九籥潛伴化工官重訓齊
任隆環衛忽扁蘭推盡疑蟬蛻將壇迨寵仙館留形重
原既卜幽祿爰扁草茫茫兮風烈烈素駭斷兮哀笳絕
岸之曲兮水之陽寒露泣兮秋雲蒼鬢夜臺兮叵測唯
令譽兮彌彰

欽定四庫全書

文莊集卷二十九

宋 夏竦 撰

墓誌銘

故保平軍節度使同中書門下平章事駙馬都
尉贈中書令魏公誌銘

國家東禪之七祀上朝景毫駐蹕睢陽肇為京都紀興
王之壤永懷祖德思逮事之臣以忠武軍節度使駙馬
都尉鉅鹿公親舊兼崇勲賢莫貳內出明制進位中台

赴上於鼎司接武於諸相進退禮貌無與比焉越明年冬十月上齋居宣室勤卹萬區以全魏近藩州垂右地邊圉之勢勝京師之屏翰士馬雄壯非元功不足以鎮重遂以公判天雄軍府事政治寬簡獄訟哀止吏民守闕請立右而紀頌嘉穀生境方優詔而進美不幸起龍蛇之嘆罹霜露之憂天禧元年止月國家奉上帝之冊薦尊祖之名裸鬯廟祧升煙郊兆天子均聿懷之慶舉先親之典制授公保平軍節度使相國如故且詔赴闕

肩輿就第中使相望虛中日望其有瘳搢紳方詠其多福無秋氣姑至疲疹增劇載紆詔蹕慰以聖言俾加勉膳之勤尚期勿藥之喜仍賜白金三百斤天不憖遺福善則虛七月甲子以不起聞上撫几震悼臨哭出涕書忠甲令弥念於良臣畫像雲臺方追於英烈嗚呼哀哉真命世之賢佐生人之間傑也公諱咸信字國寶其先大名獻兆屯固流祥西漢肇高平之封東晉啟劇陽之土冠冕奕世譜牒聯華公之遠祖始家汲郡唐失天命

祿去王室曾王父楚卷懷琮宝遁世而長往累贈太師
兼侍中魏國公曾祖庇郭氏追封燕國太夫人王父韜
襲善以虔躬含和而味道累贈中書令越國公祖妣李
氏追封晉國太夫人烈考仁溥仰承積德生蘊明略往
佐周命厥有大勲爰立鼎司魚崇樞府金印雙導蓋極
寵露之威大德應天首宣欣戴之力嘉謀懿範國史詳
焉公之受服於藩登庸繼業屢奉明祀載洽鴻禧有司
累贈烈考尚書令追封秦王謚曰宣懿母李代封秦國
太夫人繼母李氏追封韓國太夫人公韻字沉邃資質
豐碩積懷衽之善教聳公侯之奇表語言詳雅動止有
度初補宣懿隨使都按建隆初起家授朝散大夫右春
坊太子通事舍人先是太祖啟運立極英武睿文神德
聖功至明大孝皇帝龍德在潛人望攸屬秦國太夫人
獲奉昭憲太后太后亦降秦國之第公在幼穉不禁戲
弄瞻視審諦有如成人太后奇之始議姻戚洎乾德五
年五月太宗至仁應道神功聖德文武睿烈大明廣孝

皇帝方尹京邑遣判官劉鼇至第語宣懿以昭憲雅意
翌日召公於南官延見誨諭久之八月復召公親引見
於講武殿太祖謂曰知善弓馬命射四十餘發太祖嘉
之命太宗賜酒食太宗且諭之云既精射御當留意文
學公由是刻意墳索耽味圖傳五經十七代史尤其該
總復得三式風角之妙後太祖頻召對命射常稱其善
五年三月復召赴講武殿令帶御器械党進欽等四人
同射以較其能薄暮方罷未幾太宗再遣左右陳信召
公諭以選尚之意四月復召公於內中就食廳引對於
萬歲殿賜襲衣玉帶開裝鞍勒馬七月永慶公主出降
特授檢校尚書右衛將軍兼御史大夫駙馬都尉賜安
定里大第一區夏屋千餘間園館臺榭備焉仍分御溝
水以灌池沼六年加檢校尚書左僕射吉州刺史太宗
即位加檢校司空超授本州防禦使仍備環列之職太
平興國元年并冠未賓寅庫再駕賜公白金三百斤以
治裝公撰五屬之甲從六尺之輿左右不違晨夕匪懈

太宗既平大鹵直趨盧龍乘百勝之氣逐乘亡之敵將
幸山北盡埽區落公與駙馬都尉王承衍從容獻諫太
宗納之三年郊祀加檢校司徒四年加檢校太保六年
特詔常奉外月加給錢十萬七年授鎮州觀察使雍熙
三年以獯鬻犯邊王師薄伐朝廷旰食冀方絳騷太宗
分命懿親藩屏近甸廼以王承衍鎮大明駙馬都尉石
守信守河陽而澶淵要區喉咽之地慎擇能臣無易公
者遂命公往撫之賜白金五十兩是年冬公以河水湍
悍舊隄回曲備禦告勞科率為患廼徑鑿新渠二十里
以直水勢繇是十餘年間無衍溢之患端拱元年朝廷
抗青壇修黛耜將籍千畝而郡界河水清澈見底味如
甘醴廼盛以銀缶因公主上之中卜稱賀禮畢超授彰
德軍節度使尋詔兼本州馬步軍都總管淳化元年正
月驛召歸闕公主改封齊國九月澶州河大決壞城壁
斷浮梁墊民居阻邊奏物價踊貴太宗召公於崇政殿
諭以方畧令馳傳而往面賜白金萬兩合上時為壽王

賜宴於含芳園公下車之日撫疲瘵賑之絕境內以安
先是朝廷命內殿崇班閻承翰修復河橋比公視事久
之功猶未集太宗令健行親事官日賫詔書催督公與
謀之而承翰執詛以為方冬聚凌如山水勢涌急難為
施力遽入奏乞俟來春公既餞承翰回鳩集諸工自乘
小舸截巨浪排層冰緋纜造舟是日亟就乃遣健步上
狀承翰方入對陳難成之勢而公奏繼至太祖大悅顧
謂入內侍省都知李神福曰朕選魏某果能集事翌
日公主入賀太宗復嘉嘆有晉武孟津之賞密賜珠玉
金宝時都大提點河堤崇儀使劉永恭大庀役徒修築
隄塞盛寒輒瘵人皆苦之公列上其事乞至春初太宗
遣健步賫詔自京一日而至亟命罷役五年春將修長
堤當役夫二萬公自保程其工省去大半太宗令高班
內品李信宣旨命公圖上減工在所尋降詔依之時境
內田隰水退皆填淤加肥而民漂陷之餘耕無首種相
聚愁嘆坐待流亡公奏貸麥數萬斛是夏大稔民樂輸

還官緡屬不絕由是人皆處業貧者更富又以州獄久
繫通欠官物又保任之民資產已竭追償無出公將上
言並詔蠲免今上即位加定國軍節度使公主對訐國
長公主咸平二年八月誨武於東郊詔充在京新舊城
內都巡檢十月郊裡充舊城內巡檢十一月以控弦八
冠邊城晏開草輅將行羽書狎至命公充貝冀路行營
都總管初無辦嚴時方鎮各控重兵以旬衛公至天雄
軍始得步騎二千以隨犬戎之壘烟火相望公左寔右
偽虛振軍聲倍道兼行直抵邊郡敵亦憚公威名辟易
而退尋命公男昭亮傳道召赴行任景德元年上親握
武節北守澶淵公扈從星陳以及凱入二年郊祀加武
成軍節度復以西充與區舊俗豪悍乃命公知曹州先
是廣齊渠兩岸積水居田千頃民用匱乏莫輸其租公
乃度其地宜置水門導之入河人獲其利州下先多為
盜逆旅之舍皆日暮扃戶賃宿者屢難保至公之治
也民不敢欺無夜吠之警上朝陵輦洛詔從車輿四年

曹南耆壽列奏偕面朝議方以三城右地股肱劇郡經
瀆所控屯兵甚多遂輟公鎮河陽民吏望風畏憚刑罰
罕用大中祥符元年密命開先珍圖薦降上讓德云岱
歸功袒禰公屢陪近輔夙侍嚴祠禮畢加檢校太尉二
年敵使至闕宴豆屢頌上知公善弧矢命公伴射賜予
加等所以旌絕藝而威遠人也三年禋祭雉壤合荅后
祇西巡之路頗遙北門之寄尤重乃命公知澶州兼駐
泊馬步軍都總管提舉澶濮齊鄆等州德清軍寇盜公
事賜銀槓大劍各十上幸瑞聖園射弓命內侍宣旨卿
每苦臂痛今日之宴不可辭也公奔馳赴召射中銀缶
上親解之賜開裝鞍勒馬非常典也四年禮畢就加忠
武軍節度復召歸闕爾後真與昭格鉅典交修寵命便
蕃禮數尊異以至開公府正台極歲給公用緡錢加至
七百萬任兼文武寵冠勲威實固之久居大位每被訪
於邊事杜預之既立戰功唯耽思於文籍洎出臨魏郡
也豪右屏迹囹圄屢空雅歌投壺有儒者之樂輕裘緩

帶得名將之体洎染疾歸第恩禮切渥殫天醫之妙伎
極內府之良藥命也不淑奄歸窀穸享年六十九詔廢
朝三日贈中書令命內侍省部知蠻州刺史竇神寶營
塋事太常博士秘閣校理李重攝大鴻臚兼護太常考
行定謚發引之日有司具一品鹵簿鼓吹太常博士秘
閣校理慎鏞遣奠於順天門以十一月丁酉塋于河南
府洛陽縣賢相鄉勲德里從先塋禮也公一歷東朝一
踐環衛八臨藩服五換旌旄累階至開府儀同三司策
勲上柱國進爵為公食色至一萬三千九百戶真食四
千七百戶加凌煙之號為推忠保節用德守正翊戴功
臣祿位寵榮並極入爵若乃自刺史陟防秋由廉車正
節鉞皆靡限官序度越等夷斯人國家急賢之恩於是
手在也恭惟許國長公主太祖皇帝之第三女也淑看
純茂柔儀肅祗處約惟勤在貴能降唐襄城之禮度為
諸親之楷則漢平陽之慈愛享累世之崇重先公十九
年而薨嘗猷瑞牡丹一叢花皆千葉色潤殊絕太祖命

以一枝著金壺中盛以玉盤令待詔黃居寀圖之以賜
公主至今存焉男三人長昭易任內園使頃持使節遠
聘穹廬中塗感疾先公而後次昭亮今住東上閣門使
恩州團練使器宇不羣織度殊遠太宗以其與王承衍
男世隆皆嫡外孫特愛之幼歲召公並賜坐以昭亮好
學命吟賞花詩立成特賜緡錢御酒命共游於後苑初
未名太宗一日御筆書二名賜之曰從訓昭亮令擇名
焉起家授如京使自是每令昭亮押賜公加恩綸告兩
聚貴族繼賜白金萬兩以充六禮之用洎公正位國相
出臨魏郡昭亮往賜生辰禮物賀席方年而驛置俄至
特降綸綍授昭亮恩州團練使仍兼上閣之職閒者榮
之然而昭亮生於貴戚惟好儒術妙達時務詳練舊章
受詔同定閣門儀制廣溢甚多箕裘之業蕃昌慶大人
皆望之次昭侃今任內殿承制風度清粹操履溫重夙
稟誼方蔚為德器女二人畏壽縣主率禮公官式贍貴
里副笄之日太宗賜白金飾肩輿重七百兩亦以嫡孫

特恩非常例也。遣內殿崇班閤門祇候張士宗早亡次女蕙問夙聞薨華易適右班殿直閤門祇候王從益而逝孫一人東頭供奉官餘慶李稟詩書德茂蘭玉孫女二人長適故左領軍衛將軍致仕趙保勳男宗奭次在室皆從訓保阿照言圖史蓋宣懿之積德累仁公之常善齊物厥後繁衍奕葉隆昌者焉及公之薨也朝廷追錄大勲誕推延賞授昭亮四方館使團練如故昭侃遷禮賓副使姪殿中丞昭慶遷國子博士左侍禁昭用遷西頭供奉官贊善大夫昭文遷殿中丞左侍禁昭素及孫餘慶並授閤門祇候初遣奏之上也昭亮以事非禮制獨不列名又慮國恩均被遂上封預辭乞居喪制恩旨允之斯又忠孝之訓有後之美也如是公資性方嚴秉心純一至誠待物正色在公其出奉民政也次事明敏嫉惡如仇彊暴驚言服寬滯畢達所至之地人皆愛之是以歷事三朝寵賚日隆太祖日於鞏洛道中命御龍官以金盤盛舍桃賜於馬上太宗賞因寒食日遣內侍

岑保正賜御筆令召王承衍等習射於家園并賜銀缶
腥餼等後公鎮澶淵太宗射於後苑翌日以御射中銀
出命公主賜公令書於家信曰朕昨日賞花射弓甚思
卿故有是賜其恩寵尤異也如此然公雖幼享崇貴深
承顧待而每鑒前代之戒小心兢慎過自修抑故出入
五十餘載終始無玷加以忠厚之節發於天性一物之
異不敢家藏太祖幸洛公以園地宏敞奉表獻之又世
有芙蓉丹砂一枚重將一鎰以承隙日則室中皆明後
令壽尤縣主以服餌法獻於太宗旋降御筆褒之賜黃
金器五百兩近歲國家新宮闕之制令昭亮懇秦願納
奉入以助經費上優詔不允論者美之又仲兄太僕少
卿某之疾也自澶淵乞赴闕侍疾及其有加也上章乞
授少卿長子昭度一官尋授太常寺太祝其弟悌皆此
類也每好夜坐召兒姪輩諭以君子立身之道雅合經
典之意自感疾至薨氣貌不衰精識自若人皆以為修
德之報焉佳城既卜遠日有期諸子以某備列西臺久

塵吏職稔聞世德嘗奉緒言見索斐辭以識微烈讓不
獲已謹為之銘銘曰

炎正啟運帝賚忠賢九功並建百度勤宣下寧海城仰
清重象教化之重倚之國相內撫方嶽外清邊塵軍旅
之要付之將臣允顯魏公位兼文武槐昂登庸節旄分
土左右王室事上以忠股肱右地待下以公叡聖之心
念功惟奮白水攀龍湛思克懋惇叙之典立愛惟親秦
臺降鳳寵賤斯勤佐國承家謂之世德閎閱之勲載於
金石安人去患謂之氏政藩屏之治播於謠咏密謀潛
慮莫際其涯獻贊惟惓惟聖用嘉高風遠度莫闕其奧
儀表紳冕惟賢是倣哀哉良相百福宜全嗚呼彼蒼何
奪之年桃李臨喪密章加秩帝極哀悼禮贈優恤寒風
慄兮愁雲暮鹵簿陳兮班劍布卷組帳兮室煙儼靈輶兮
戒路哀笳咽兮楚挽悲却之麓兮洛之涓從先王兮魂
不昧掩幽窆兮夜何其有旂常兮令名不朽有琬琰兮
英感可久繫似續之良賢兮永蕃昌於厥後

故守司徒兼門下侍郎同中書門下平章事充

玉清昭應宮使昭文館大學士兼修國史冀國

公贈太師中書令謚文穆王公墓誌銘

并序奉勅撰

天聖三祀歲次星紀黃鍾布序丙午建辰皇帝御琯輿

詔金蹕出景龍門幸永定坊北第視大丞相奠公之疾

賜白金五千兩戊申丞相薨于位享年六十有四兩官

震悼皇太后車駕臨哭盡哀天子素服三日不視朝以

太子中書令告第大小欵遣尚官弔祠法賻加等有司

謚曰文穆命左史攝鴻臚卿副內侍太監送喪官給經

費具本品鹵簿以明年仲春之壬申歸全於濠州鍾離

縣廣德鄉西原之俱塋有詔侍臣書其徽烈公諱欽若

字定國其先緱山遠系潁陽茂緒武岡睢陵之材啟國

於晉永寧清源之德胙土於唐本居太原世為鼎族高

祖諱遂以巢寇之亂避地江楚喜玉筍之岑寂惟厥田

之沃衍始家宜春之新喻遂生遐仕至江南西道益鐵

巡官遐生郁幼而警悟不樂嬉戲徧誦五經偽吳童子

擢第釋褐本縣尉諸郡累表為我佐視秩臺即閔決郡
務歸朝為懷冀濠三州判官郁生仲華夙有志尚判誦
墳索偽唐明經中選又以五經登科復尉本縣時議榮
之公即濠州府君之孫新喻府君之子及公之貴三代
皆贈太師尚書令兼中書令曾門封冀祖廟封鄭禰室
封晉皆為國公恭惟鄭公當五代紛競仕偽唐之僭據
轉側江介間閔世路而能治尚清約志在平反愛慈孫
以字升卿高門閭以容駟馬克祚厥後何其盛歟公聰
識早成惟資強敏六歲喪母十二而孤鄭公愛之保育
於祖妣魯國太夫人教於家庭不就外傳道藝無該辭
筆瞻逸弱冠初枝進士解淳化中策高第試吏芸局從
事譙幕加倅職再毗戎務被舉遷秘書郎典閔市於泚
上升朝為太常丞理通欠於計司以右止言歷掌內外
書命授左諫議大夫再選工部侍郎並叅大政以刑部
侍郎充資政殿學士改兵部充大學士繇尚書左丞三
轉至吏部尚書皆知樞密院自檢校太傅再加至檢校

太師行尚書右僕射並使東樞寔兼宰職俄以左揆兼
中書侍郎監修國史對掌魁柄以太子太保判餘杭歸
朝再為資政大學士尋拜司空未幾視秩維師兼榮鉉
府節制襄岷居守伊洛與疾遷第左遷司農卿改秘書
監並分務南都起授太常卿典濠州轉刑部尚書知江
寧府召還復序正司再升中書魚門下侍郎充昭文館
大學士寔首台席遂作司徒乃封冀壤勲階爵邑名數
咸極初永定在御憲章大備以駒牧之重領於樞臣公
嘗為羣牧制置使肇玉清昭應宮以事有帝崇景靈宮
以奉直祖營會靈觀以禮岳鎮並建職局綜於西府公
繼為三宮觀使惟公事三朝相二帝嘉猷亮節深圖遠
笑秘諸信史此不獲書若夫建隆以還萬國上計辟名
既辦斷盜未償領於司存列之辭案人生有訖吏責無
窮公抗疏切陳援放蜀弛深遠固休克稱上仁注意之
求寔自於此咸平初寇劇緣間搖亂益部偏師致討剗
削厲階武臣尚威傷斬過當餘孽古命反及靡遑公往

宣使指悉貫枝黨處置機事彼方遂寧召參台衡刻印
以待景德始邊城宴開羽檄四馳烽火相照公感憤激
節慷慨請行并護將臣克全魏壁泊乎元符候日奉高
望幸三事優游而未決禮官希濶而難誦公首抗大義
先置喬岳芝英醴泉之品喬雲叶氣之祥圖素寫形使
驛言狀旁午亭傳覺悟黔黎此其昭昭者也若乃尊事
神祇專精齋祭寅威妙本校正真科交集上儀莫非嘉
慮是以再長樞軸三陟正司中外迭居左右更踐體貌
無比論議必從寵冠一時年踰二紀至若糴牲雕壞徐
鑿曲里登魄寶之號熙報况之壇奉貞像於琳宮宣寶
文於路寢公繼掌禮儀並持使印又若明禋歲事珍符
先道聿嚴容典奉以金與公三職儀衛殊庭者闔常錄
是藏內出丹書勒於瑤簡公同同刻玉並無置使之重
益為希代之榮祥符之間天下大治制有破觥之易法
有漏魚之寬太和陶蒸善氣回襲雲物絢色羽毛絳質
百嘉茂育萬瑞畢臻天子好文挺睿辭以昭紹惟公順

美著嘉頌以游揚前後賜御製屬和并御和賜歌詩僅三百篇若夫入幹庶績出撫近封鋪陳密議條對急政所受詔答將二百亟又奉命纂集翊聖保德真居傳三卷撰進先天紀三十卷五嶽聞廣一百卷鹵簿記三卷與諸儒同集冊府元龜一千卷彤管懿範二百卷又封祀既畢歸尊宗廟承詔撰僖祖太廟太宗謚冊聖神纂服初受鴻名奉制撰令上徽號冊及前後被旨撰社首壇汾陰朝覲壇頌西京應天禪院太原資聖院碑銘天書祥瑞西祀瑞贊彤管懿範序廣孝泉崇真僑記冉耕封東平公贊博雅多文盡在茲矣公嘗言初晉公侍鄭公之任武昌也公母秦國夫人有娠江水壞廨舍徙居黃鶴樓既夕而生公或言漢口居人遙望樓際若有氣象然公居景毫行視國田暮宿村廬夜分偶起見天中有赤文成紫微字使蜀言旋次褒城驛有客為謁具唐相晉國裴公之名告公以默之之期而隱公嘗來

篆所

見文字及因鄂守增飾黃鶴樓及以俸錢修園田晉公

祠為文書石以紀之常練氣於朝霞期脫屣於塵世姚
顛承白衣之報子房慕赤松之游參寔於斯諒不誣矣
雅好奕碁善於筆劄樂醇旨之飲喜清商之樂第有北
園疊石為陂甘果美木蔭庇其下退食林澗於馬游息
晚年親歷艱難頗厭富貴延問高釋留心真際遂無譯
經使二府柄臣送上於傳法院梵鄉薦者大官具食歸
第感疾請告累旬侍醫盈門詔使係道錫萬全之良藥
殫九折之妙伎天子不弟命將奈何輟相興謠見於斯
矣夫人李氏山河象德圖史時憲哀深惟殯痛極終天
送往盡哀庇親惟睦累封崇許二國夫人有子五人皆
先公而亡內次子從益仕至贊善大夫第三子慶之終
于衛尉寺丞追賜進士及第女二人長早亡次適故叅
知政事張公洎之嫡孫秘書省校書郎瓌孫女一人適
故尚書左丞陳公恕之子大理寺丞執禮並懿行美材
太宗良配外孫男元壽女壽姐並幼遺奏之上也二宮
哀軫錄舊念勲並加常制嗣男將作監丞寅亮授大理

寺丞壞遷大理評事充秘閣校理執禮改太子中舍又以公叔父仲微剖竹列成累書吏課握蘭建禮寔綜虞衡兼秋曹之衆刑王大農之平糴特除司勳員外郎充淮南提點刑獄勸農使自餘戚屬授官親信叙用者三十有四人嗚呼高朗令終寵靈顯赫會元公之殯送文恭之喪極人臣之盛公以臣嘗祿寮舊屢刊史課爰有治命請誌幽礎仰奉宸旨不獲固辭謹銘曰

兵政宥密札軸穹崇惟公再踐昭事功分將鉞在庭相印重組惟公保釐兼文武兮洪壚造物威柄御人惟公三八秉國鈞兮龍章在射庭槐表位惟公經邦極名器兮帝師尊異內樞隆顯祿以印章豐贈典兮乘輿縞素笳吹悲鳴送以纁玉盡哀榮兮

胡順容邵氏墓誌銘

大中祥符九年春二月甲午順容邵氏薨於京師太和宮本院之正寢越三月壬子葬於開封縣清遠鄉繁臺村奉先資福禪院之東北原嗚呼哀哉順容諱昭明廣

陵人也生稟嘉慶賦質柔和泳漢方江動謠於南国規
圖照史秘景於華宗先聖在潛懿藩初建金房入侍寔
首於庶姬璿室沉英嘗悲於外館洎攀鱗上漢列職
司衣奉褱襲之宜辦采章之品摩封近郡寔啟博陵爰
以燕寢獻功女侍更直佩環異等禮序多儀廼進號於小
君寔並長於九御被之紫服昭以寵章矧屬草輅弔民
躬平大鹵家旒耀武出撫魏郡束帶從行羽書狎至罄
宣懿力以及凱旋繇是賜塗金裳陞榮於太監闢冀
國之壤列位於尚宮肅奉曾闡總司衆職嚴筦籥於扃
禁謹琮璽於緘滕法式並修出納惟允暨夫白雲厭代
蒼震承祧改榮級之邑封奉壽宮之象設西陵極望莫
從於神遊中禁宮旋寔司於舊物逮珍符錫瑞之紀號
喬岳上封之明年超踐宮正之資載䟽安睦之固翼宣
忠訓糾肅群居閑練典章詳明啟奏下推耆重之德上
嘉諛總之能遂開張楚之封特拜司宮之命寔創斯號
以旌厥勞然而進退有常終始一志念華凝曜久冠於小

星積德累勤繼充於彤史上肇宗位置尊獎老成寵以
絳袍列於嬪職翟鈞九等班亞三妃感泣帝宸賜予
加數承顏似幄進見異儀宮掖之榮近代無比旋以憂
勞成疹年德寔高深惻上仁遷居別館勉膳之使承詔
之醫自冬涉春相望於道嗚呼收華鹿日喪淑泉扁常
珍之期不及者二歲嚮用之福咸備於一時黼帳悼懷椒
塗頌賙佳城既卜幽隧將封爰詔左言圖徽沉碧銘
曰

瑶臺降芬甘棠遺慶德茂才淑性資淵令參華六列盡
瘁兩朝閑練儀範勤勞夙宵徽序方隆餘年奄謝結恋
昌期銜哀盡夜圖形藥館卜宅金園飾終之典水賁重
原

皇姪康州團練使夫人呂氏墓誌銘

夫人呂氏故丞相贈司徒正惠公之女正惠公之責也
曾祖袞贈中書令祖琦贈太師尚書令其先太岳述職
仰悟靈心尚父表海下因舊俗景祐垂世積德在人門

生忠賢亦啟明淑夫人夙稟家訓幼勤女職動則中禮
保阿是咨烝而獻功絃絃悉備言念詩史之意步中珩
璜之節加以文繡設色必窮其麗哀箏度次尤盡其音
國家璿原熾昌仙緒蕃衍選建明德廣封連城棣萼相
依犬牙錯峙上隆惇叙之化下嘉信厚之風務植基幹
畢侯支庶崇右戚之惠盡家人之愛至若宗子授室王姬
下嫁必選令族以納多祥楚王親則帝兄極人爵寶
玉分器芝蘭在庭其第四子天水郡公允誠生稟粹和
早聞詩禮懷金上序結綬內朝號為宗英特茂宸寵始
娶贈邠州觀察使潘惟正女不幸早亡宗臣上言禮當
繼室上乃念正惠之昔佐先帝厥有大勞當綴衣之辰
受傳聖之命寢兵之封雖遠高門之慶未移乃詔申以
婚姻寵其閥閱枚卜獻吉踰八世之祥大璋納禮豐六
版之數夫人遂以大中祥符五年六月乙丑召見漢幄
進對堯門象服暉華拜賜於中禁油駟擁從言旋於舊
居觀者榮之忠臣知勸越明年秋七月辛亥歸於郡公

六珈盛飾百兩親迎僕御授綏傅姆加景華燭光照煌
煌如晝從者畢袵初初若雲有司相儀太官供具婚姻
之禮特盛於茲洎五月中叅三月廟見象掃居手寶翟
在衣動止肅雍詞氣舒婉式瞻貴里為憲宗家若乃薦
豆公侯之宮胖載舅姑之室匪鷄之勤儆戒維絲之求
善匹蘋藻之意柔潔山河之体容潤固已極圖傳之言
豈止率鞶禱之訓者哉方將下司封之詔舉從夫之典
啟湯沐之邑增車服之數而薜華易落隙駒難駐德宮

永遊雖大化之攸同碩人無子痛若英之莫繼嗚呼
哀哉以七年秋九月壬寅終於內寢享年十九尚宮賜祿
輟朝二日權厝於奉先資福禪院以天禧元年八月己
酉塋於河南府永安縣南訾鄉漫流村潘夫人墓之西
北原從吉卜也詔左驥驥使澄州刺史入內侍省都知
張景宗營塋事以著作郎直集賢院徐爽攝大鴻臚
監護歛封有日執紼將行乃命史臣圖芳幽礎銘曰
降神靈緒賜履遙源間生邦媛選儷宗賢顧史永箴披

欽定四庫全書
卷二十九
圖問禮德盛年闕華繁寔委染臺遣奠兮組帳烟空
文園安宅兮松路塵封哀蘭儀之永閔唯玉譽之無窮

欽定四庫全書

文莊集卷三十

宋夏竦撰

古詩

奉和御製看毛詩詩三章二章十二句一章八句

周道洽平聲動文成周王棄善俗移風變哀樂異心治
亂殊音心發言從影響攸同政行音類堦筮靡異實教
化之所由故能經乎天而緯乎地

生民尊祖時邁告成江漢撥亂鳧鷖持盈四詩之道始於和平五際之變通於晦明宣宥密之基命敷適駿之休教或箴規於闕政或歎咏於芳馨

溫柔之教政治之源瞽能誦兮可以諫士不學兮無以言蓋盛衰之所繫故諷諭之攸存惟聖心兮垂思永大庇兮元元

奉和御製迎聖像中路獲金龍送還茅山

巍巍真像範金成瑞節棠舟遠導迎精象勵翼符神貺藻衛歲蕤率禮經蘭隄曉景漣漪靜神龍報降祥雲映
雙上瓊干采質明旁臨旌棧靈輝盛台臣祇肅薦華蕪承
賀凝貞拜露章羲氏官名高可擬漢家紀年遠誰方鳳
蓋分陰騰九色蜿蜒共戲雲裳側御天飛躍世空聞瑞德
縈盤今始識駸駸矯首仰中宸丹宸深嘉美應臻紆體
既能疇聖日為靈霖當使福蒸人華陽翠翟貞靈地星使
送還彰睿志更播雲章入莞絃昭昭億載傳金匱

奉和御製崇政殿宴從臣

青綺禁門符命錫離珠御府天琛積兩儀流慶會休期
二聖詒謀歸盛德大禮修真猷格懿鏢昭昭兮靡極阜
民財形物力聖志乾乾兮夕惕金扉玉宇麗皇居鳳藻
鸞蹤輝樂石龜趺螭首建靈辰鵲尾龍香奉至神日轉
翠華臨閣道天旋丹仗復鈞陳縉紳茂寵兮踰三接羽
衛鴻儀兮脩九賓瓊觴傳滿兮均堯酒栢殿賡颺兮洽
漢臣奉若靈心彌翼翼布昭醲化愈淳淳

奉和御製為政歌

黼帳夜分常監寐鳳軒端委敷文治肇建元封陟介丘
寢尋茲祀臨汾水茂烈馨香久際天精心勵翼彌恭已
體道推仁洽惠和斷凋歸厚蠲華侈懷柔四貊盡耒庭
邊圉無塵似平砥堯德欽明博茂族漢條寬天措祥刑
永觀禹畫同文軫更佇虞巡審量衡睿政無為猶日慎
布昭謨訓掩陽銘

奉和御製奉先歌

皇家兮仙祖上世兮聖神承雲兮分治駕羽兮臨民誕

昭兮馨烈高陟兮元真載乘土運臨三古屬象羲農振
遐武爰炳明靈陟上蒼縣縣聖緒慶悠長既積仁兮累
德爰振耀兮流芳罄二儀兮垂祐彌萬祀兮開祥巍巍
烈祖兮膺宸歷御瑤圖兮建鼇極東征西怨兮振羣黎
下舞上歌兮康庶國優游亮直顯敦仁錫羨休嘉符拓
迹四貊名王尺組羈九涯遠道安車適聖功者定寔登
三方賈駮奔惟旅百赫赫神宗廓帝紘昭廣運兮洽和
平禮色適素青兮洽夏子化歸醲粹兮復胥庭憲六學
兮昭地緯事七廟兮奉天經震疊威靈兮踰朔幕江洋
惠露兮浹編氓偃節靈臺兮黜武漏魚寬網兮蠲刑三
葉緝熙兮隆紹繼皇穹右序兮隕繁祉徘徊颺歆兮授
元符焜耀樵蒸兮修茂禮思文成頌兮迪先謀多忝申
歌兮昭樂歲參侔開闔已無為虔鞏盈成彌若厲惟寤
寐兮符通寔天人兮合契降僊馭兮自三清諭靈源兮
踰百世遐錫鴻休茂本枝永符盛德昭明類薦徽冊致
清衷齋明兮顯至款太空告繁禧監觀兮斯暨對越兮

儲精聿懷兮忘寐烏奕千齡播德芬欽崇茂典協綸經
神化有開彰密命慶基無際等高旻

奉和御製筆歌

制之精兮漢宮之雙管鋒之妙兮趙國之修毫自承掌
握濟羣用觚與槩兮難施勞古今罔不達淑慝將何迓
深仰玉蟾均硯滴詎慙金馬制書力頡皇觀迹蟲篆興
纖端積潤八體成寫圖始告姬公瑞錯寶終傳路扈名
上聖惟聰炳帝文宸章奎畫冠生民灑翰翠珉垂睿式
珥彤丹地寵儒臣

奉和御製硯歌

南方潛璞出寒溪沉沉紫蔚凝堅姿兩儀肖象磨礱異
三趾承隅琢飾奇銀帶參華貢雙闕玉蟾分滴潤圓池
微波澄淡當晴景旌旗半侵龍蛇影輕浮春絮拂犀翰
微動日華明綺井禁簡交輝九禁深王枝斜照終霄永
列璇臺兮今得地通清光兮叶靈契宣絲旨兮揚聖謨
贊雲章兮熙睿志彌彰盛德冠生民務以文明化兆人

奉和御製墨歌

昔造圖書兮紀方志
鉛黃丹漆兮初為貴
後世增華兮邁昔賢
松煙布色兮明且妍
一枝均賜官儀備
九子分形吉禮全
寫功詠德盈緇帙
體物緣情編綺牋
陰山潛璞兮琢金池
相須藝圃兮事攸宜
湘川青管兮束圓鋒
並列璇臺兮用本同
垂大訓述微言
孔墨之教兮長存
騰藻翰贊儀形
淵雲之妙兮惟精
王聖敦仁崇儉約
厥篚珍竒詔皆却
唯許隄糜歲貢臻
式彰文德化生民

奉祀禮畢還京

先天密命啟禎祥
期候日靈文降
紫闈恭館靖冥尊
妙化帝居齋祓永純禱
勒鴻昭姓增梁甫
報本祈年款魏旌
真御下臨彰日監
嘉生誕降示天隨
丕承寶緒增寅畏
惠迪靈猷務肅祇
國陽郊報尊天位
欽奉后祇將合祭
仁里爰瞻嚴父祠
徐奎式徇黎萌意
攸司經始兮載嚴
象物應斯兮紹至
熒煌先道兮珍符
煥衍參塗兮藻衛
真場合奏兮笙鏞
靈趾欽柴兮圭幣
三氣辟容兮仰

覲八景飛輿兮降格青祺簡簡兮淵冲瑞命襍襍兮山
積合飲譙城洽睿慈仁風溥暢宣和懌制畿睢水煥光
先謨惠露汪洋敷潤澤納賈陳詩兮總舊章念功繼絕
兮昭明德近甸回衡景念新太宮歸格物華春太和充
鬱層霄外協氣周流率土濱穆穆天章騰聖域巍巍道
蔭庇生民體元化叙彝倫順則兮穹旻觀秘奧守精真
謹度兮聲身四貊兮來同千齡兮應會甘寔兮積中英
誕兮發外皇哉曼壽保丕基青簡遐昭帝者儀道冠周
詩心翼翼功踰夏載日孜孜

奉和御製玉清昭應宮甘露歌

祝聖清場初展禮鴻都向曉彰繁祉鬱鬱纖枝正後
凋瀼瀼瑞未俄零委吉雲五色比還踈况是嚴冬歲律餘
承以玉林甘若密凝于翠幄皎如珠薦宸居稱壽酒宣
大慶兮仰歸元首香馥馥旆央央建靈檀兮茂對多祥
天心信與人心會誕節將臨遽霑霑式昭真蔭祚君王
永錫遐齡齊覆載

奉和御製宣讀天書

赫赫穹符迪慶基
巍巍真緒擁繁禧
控飈靈御傳天意
候日珍文告帝期
奉詣喬丘彰錫祉
昨瓌瀨鄉修茂禮
宸闈薰被款雲輿
戎候耕耘橐象弭
紀號惟新歲律歷
星三元初吉協休辰
微冊奉天熙事歲
丕名尊祖皇儀展
太后薦鬯孝思伸
陽位升煙鴻慶遠
瑞應紛綸百福同
夤威寶命務尊崇
布宣精意誠明顯
申飭攸司憲度隆
將被祕蘊昭靈契
欲使萬方知帝意
肆肯端門詔畢旋
靈場預啟百枝燃
夙陳路寢敷瑶席
躬薦真香奏瑞煙
三辰溥耀居齋室
階滿祥莫當望日
大裘陟降既登歌
羣后延登皆上笏
元符輔被滕聖訓
楊樞臣援翰寶文
彰有虞出洛龜休
躍唐氏街圖鳳罷
翔辭若洞章皆摘
句字如龍篆宛分
行森沉虎旆嚴真
衛肅穆珠旒增潔
志敬受丹書豈易
侷式旌玉刻誠難
繼脩脩羽懷降星
辰杳杳颺游駐聖
真庭際煙霞輝晔
晔天中寫鶴羽粦
粦微密妙言爰脩
舉麗鴻盛則已宣
臻一一嘉猷保

元后諄諄深旨為含生寫成別笈緘藏密薦獻禮周彌
 襲吉恍恍真心顯道樞穰穰景佑歸宸歷升聞璿宙洽
 神歡昭紀琅函為睿式萬靈潛衛極負威九序相趨皆
 勵翼繇寓彌隆清淨風虛晨益鑒馨香德豈獨飛英冠
 百王祇延道蔭永歡康薰弦濬發南風詠王顯清表報
 彼蒼

奉和御製幸金明池

朱輅乘時兮出曉烟飛梁承幸兮斗城邊慢省蔭堤兮

楊葉閣星旄藻岸兮物華妍珠網金鋪兮豫章館風穡
 桂楫兮木蘭船象潢儀漢兮澄波遠激水尋種兮妙戲
 全佇帝暉兮凝制蹕人煥衍兮歡心逸嘉流景兮延邇
 臣栞清明兮麗新曲

奉和御製七夕

紫皇宴服出瑤臺伏下涼宵水殿開初月上弦光汎灑
 橫河案戶執徘徊扇分蘭露侵衣滴簾捲天香拂帳來
 閣道森沉飛絳節龍璫鳳吹凌霄發琥車縹緲際煙濤

鈎砌迢迢望雲闕
百子池深分列宿
分九微燈淡織絕塵
雲屏輕篋貫雙針
彩縷縈風勢不任
露挹瓊蕪敷碧席
明霞照地光無極
西漢元封五葉時
猗蘭雲輦會真期
何如法坐嘉蕃熟
高振薰絃播緝熙

黃鶴樓歌

城王危樓高縹緲
城下澄江復相繞
有時漾影入中流
俯看魚游仰飛鳥
近樓多少未行舟
滿江落花灑汀洲
人同江狎不怕浪
登樓對酒彈箜篌
大別山頭白雲起
金口渡邊雨如洗
半鈎新月上孤城
還照高樓與江水
晴江依舊瀉潯陽
黃鶴無由歸故鄉
一聲玉笛起何處
燕撲闌干花影長

欽定四庫全書

文莊集卷三十一

宋夏竦撰

五言律詩

三月施州進金色小龜

清江函德澤嘉瑞效靈龜巢葉形偏小如金色最奇玉
靈慚異質繹屬近幽姿騎置遙承獻觀圖仰帝祺

大中祥符七年七月錦州奏天慶觀修聖祖殿
畢五色雲三朶各方丈餘見於殿上

仙祠成秘殿遠郡在盧陽旭日初流景卿雲忽降祥三
枝分玉葉五色照琳房元后成真蔭欽柴報上蒼

重神異八年正月天慶節上清宮行香錫慶院御筵日

青山函揚輝有非煙非霧之雲

寶籙標嘉節需雲錫惠筵烈暉騰爰景瑞彩擬非煙焜

耀璿霄外輪困絳闕前居歆方屢告偉兆溢祥編

大明州進芝草并圖

四明開輿壤三秀發靈芝如蓋殊形聳無根瑞氣滋晨

敷台嶺異日茂下房竒善氣方回復充圖獻玉墀

奉御製讀史記詩三首并注

陶唐明歷象堯欽若歷象日月星辰茂氣與天通堯明時正度茂氣所生民無天

疫舉正分星度以四方中星定分至歸餘定歲功以閏月正四時孟陬名

不殄南正道彌隆顓頊命南正重司天三苗亂德孟陬殄滅堯復重黎之後使典之自

此垂三代循環協大中三王之正如循環窮則反本

昭昭齊魯事十載著良箴齊魯報政可為箴規欲辨為邦体先觀

布政心為邦之藏否繫政之煩簡變民非遠畧伯禽曰變其俗革其禮從簡是

徽音太公曰簡其君臣禮從其俗北面無餘意誠因惠物深周公曰魯後世其北

漢武將從禪須知亟釋兵武帝將封禪先北甘泉誠必

祀武帝至甘泉為且用喬嶽紀尊名司馬相如封禪書云建顯號施尊名

加禮崇休祉武帝上封畢從諸修封蓋號榮漢武帝凡

禪文曰蓋况榮宣同承帝錄肆覲正權衡國家奉元符封云

非漢所及也

奉和御製讀前漢書三首并注

鄴侯依日月贊曰蕭何漢興天漢叙隆昌沛公初不欲

詔云天漢其稱甚美邁德居三傑何與張良韓觀時定九章何擴

法取合於時者作律九章遇因王尉辯何為民請上林空地下功賴

鄂君陽諸將爭功鄂千秋進曰何功當第一終以同心

美贊曰何與曹參二清寧贊後玉曹參相惠帝民歌曰

載其清靖民以寧一

子房天授漢沛公常用張良策不戰道尤尊良未嘗有

為王祕法盈編受父老授良書二危機借箸論鄰生謀

良借前箸籌之避封昭止足良避齊辟穀厭塵喧辟穀不食穀莫訝

蕭規茂從容有緒言良勸高祖立蕭何為相從容言天下事甚衆

高祖寬仁主漢高寬仁大度淮陰變詐才贊曰韓信等皆微一時之權變以詐力成

功設壇誠有禮高祖設壇場拜信為大將推食本無猜信曰漢王授我上將軍帥

數萬之衆解衣衣我推食食我言聽計用懷惠初顯若武涉蒯通說信信終不忍背漢帝夸

功抑殆哉信對高祖曰陛下不過能將十萬臣多多益善何如中正者千載仰

高裁贊曰異姓而王者八國終於滅亡唯吳芮之起不失正道慶流支庶著於甲令而故稱為忠者也

奉和御製讀後漢書詩三首并注

明帝章朝物贊曰倫三雍復舊常光武建三朝之禮帝始行之籛金

賞西域永平中復通西域諸國皆遣子入侍西域傳序曰先馴則賞籛金雅樂奏南陽

十年帝幸南陽祠舊宅作雅樂拜老鴻徽茂贊曰臨祈農盛典彰帝耕籍田

以祈農事珍符昭美應獻壽表隆昌百官以帝祥物顯應奉觴上壽

獨行懲澆俗歷代唯後漢書有獨行傳序云以事非圓通而風規有足懷者為傳云嘉名

動遠荒王烈以德威人居至誠祈夏雨諒輔為廣漢五官掾積薪祈請

未日中而雨世稱至誠嚴意勵冬霜序云意嚴於冬霜戴就陸續也果行推陵險

序云蹈於陵險豐規嘆履方獨行之人乘履方正孤高

惟大遜壽考茂祺祥李先字大遜有高節年八十為國三老

昭公詳漢律求比禮三千陳寵字昭公為廷尉鉤校律令求刪除為三千條以應禮

威儀刻敕深文息寵為奏每附經典從寬寬平治德全三千

寵上言願蕩滌煩疴以全至德章帝納之務於寬厚芳猷宣輔弼寵為司空奏議温粹為相稱職

餘慶茂忠賢寵子忠為尚書方驗來嘉瑞仁矜理最先令忠正敢言

章帝納寵言除慘酷科禁五十餘事是後人咨和平屢有嘉瑞又云寵性仁矜

奉和御製讀三國志詩三首并注

白馬當塗兆黃家得歲興金符威既重玉版事堪憑漢

火承前運譙龍合舊徵青雲開後葉下武倍兢兢白馬令李

雲曰許昌氣見於當塗高者魏也或遺太祖書曰黃家當立芝曰得歲星者道始興今歲在大梁魏之分也太

祖初封魏王受虎符春秋玉版曰代赤者魏公子蘇林曰魏以土德承漢之火漢熹平中黃龍見譙單颺曰其

國當有王者不五十年亦當再見中平四年文帝生於譙延康元年嗣魏王位黃龍復見文帝之生有青雲如

車蓋嘗著漢太宗論曰尉佗稱帝撫以恩德吳王不朝賜之几杖時孫權不服班其論於天下亦不願征伐也

許昌功未逞江表地初平漢帝居非遠吳侯志欲迎壯

圖雖未遂嘉慮寔惟精終闕尊崇禮何閑慎器名曹公

昌孫策平江南曹公力未能逞以弟女配策小弟迨後曹公與袁紹相拒於官渡策時為吳侯陰欲襲許迎漢

帝遭刺客不遂評曰割據江東策之基兆也而權尊崇未至孫盛曰權豈各名器者乎

家乘桑蓋瑞國富卧龍才漢水神暉徹靈圖密命開橫

天嘉氣應繼日景雲來儻之英雄器三分亦殆哉先主舍東

南有桑如車蓋或為當出貴人徐庶謂先主曰諸葛孔明卧龍也劉豹等上言曰河圖洛書皆有備稱皇之文

又時有景雲祥風從瑯璣下來數有氣如旗從西至東

中天而行必有天子出其方評曰先主有高誼之風英雄之器時與吳魏三分天下

奉和御製讀晉書三首并注

安石凌霄致謝安字安石史臣曰蕭然有凌霄之致清言振玉音安少詣王濛清

言蒙曰此客壘鴻勲濟世久劉裕以安厚德感人深新安

城築埭後人追思朱組雖然襲史臣曰安禡薜蘿而襲朱組虛舟豈

易沉贊曰太保浮東山高志在蕭洒謝塵襟安雖受朝寄然東山

之志始未不渝形於言色

李重推清雅初傳友愛名嘉言為時發大誼傳經明宗

德誠堪慕修身豈易傾留心衆才舉千載仰銓衡李重

以友愛著稱贊曰嘉言在茲重遷中書郎每疑議參以

經典為平陽太守崇德化正身率下為吏部郎羣才畢

銓衡留心隱逸

士行勤武力機鑒信良哉國賴桓文業人推葛陸才殊
祥隻鶴至吉夢八門開終始全高節誠因左翼推陶侃字士

行累立武功嘗運甕齋外曰吾方致力中原恐不堪事
其勵志勤力皆此類也侃机神明鑒似魏武順忠勤勞
似孔明陸抗成帝詔曰乃者桓文之勲伯舅是憑初侃
丁母憂有二客來弔化為隻鶴冲天而去又夢飛上天
見天門九重已登其
八陞地傷左翼

奉和御製讀宋書二首并注

漢宗開聖緒宋武帝漢楚元得歲與周同帝初封宋公歲在大火與

武王克商同金石終移律史臣曰至於金石變聲柴火改物山河始誓功封

公策曰永祚山河飛名傳秘記河洛讖曰二口建戈不能方劉字也空穴無主奇入中寄字也

女子獨立又嘉識起游童童謠曰木巨當北度走入浩

為雙奴字也能使姦豪龍言誠為一世雄桓靈寶

金刀劉也豐仁盛也為一世之雄

鎮惡才明舉英雄想冠時推鋒平日侮直指定西陞向

使鴻勳就寧憂霸業衷如何喪方名遺烈謾傷容王鎮惡平

劉毅於江陵滅姚泓於長安餘寇未殄為沈田子所害

宋高祖表之曰鎮惡机客明舉又曰荆南構釁憂兼内
侮鎮惡輕舟先邁一朝霧散王師西伐有中原入渭之
捷指麾無前寔國之方名也殊績未疇宜蒙追寵贈左

將軍史臣曰鎮惡推鋒直指前無疆陣

奉和御製讀陳書二首并注

猛奴多勇槩大稍事戎征周文育小字猛奴父蒼令兄子辭教書件文育曰誰能學

此取富貴但有太稍耳新蔡兇圍陷文育往新蔡慰勞白水蠻謀執之文育前鋒陷陣勇冠軍

中魚梁寇壘傾初武帝表文育為府司馬李儂仕將杜平虜子魚梁作城文育繫之平虜棄城

而走遡風輕古法武帝拒徐嗣徽將戰風急帝曰矢不遡風文育曰何用古法抽稍上馬衆軍隨

之風亦問道貴竒兵余孝頃舉兵應蕭勃文育燒柵偽退問道信宿達羊韶據其中間築

城饗士賊徒大駭懲賞宜開府番禹已盡平文育平廣州以功授開府

靈洗雖驍勇程靈洗少以勇力聞忠規詎可輕石城嘗力戰靈洗事王

僧辨武帝誅僧辨靈洗力戰於石頭黥歛本連盟初侯西門招諭久之乃降帝深義之

亂靈洗據黥歛聚徒拒景京口殊勲茂武帝授靈洗蘭陵太守助防京

口平徐嗣徽臨川叛寇驚周迪重寇臨川靈洗為都督擊之迪走山谷間既能

有功封侯明號令何惜務寬平靈洗性嚴急御下苛刻而號令分明與士卒同甘苦衆亦以此德之

奉和御製讀後魏書三首并注

偉哉登國世靈武定戎兵拓土能圖大求才寔勵精公

侯新爵重臺省舊風清自匪謨長世鴻圖豈易成道武奮其

靈武遂啟中原拔擢才識憲章故寔制爵四等追錄舊臣啟建臺省悉用文士制作經謨成在長世登國道武之紀號也

高祖寬仁主哀矜信有餘嚴刑幾盡措黎庶獲安居舊

法躬刊定繁文再剷除既平財謁路清白勵簪裾高祖馭宇

留心刑法詔曰參詳舊典務從寬仁帝哀矜庶獄卒從降

怒京師決死獄歲不過五六置謹法者數百人防喧闐

於街衢使民安其職業命中祕官修改律令舊文經御

刑定詔曰門房之誅猶在律策可更議之刪除繁酷又

遣使循行天下糾守宰之不法食祿者跼踏財謁之路殆絕

真君昭密命紀號表興隆瑞著洪阿外文成翠石中帝

名傳祖禰歷數感王公三五方興運明符事亦同世祖奉天

文圖錄紀太平真君之號五年樂安王範等奏曰臣聞帝王之興必有受命之符三立之盛莫不同之今張掖

郡列言大柳谷石青瑱白章成文記國家祖宗諱著受命歷歷數之符王公已下莫不感動

奉和御製讀北齊書二首并注段氏推忠武論兵特造微歷朝功並建諸將令咸依重

位無矜色高門有德輝當時勲貴族孰不仰家肥段韶謚忠

武善於御衆得將士心臨敵之日人人爭奮教訓子弟

閨門雍肅當世勲貴之家罕有及者高祖曰吾與韶論

咸陽誠赴赴倚任極維師貴勢隆門緒忠誠翼帝基享
年常戒滿避寵或興咨不學良無媿嘉名已自垂斛律金為

太師封咸陽郡王一門一皇后二太子妃三公主尊寵之盛常時莫比嘗謂子曰我雖不讀書古來外戚無不傾滅我家直以立勲抱忠致富貴豈藉女也嘗以為憂史臣曰金以高祖撥亂之始翼成王業忠款之至成此大功故能終享遐年位高百辟觀其盈滿之戒見動之幾微者也又贊云赴赴咸陽邦家之暉

奉和御製讀後周書二首并注

思道懷廉慎童年類老成郡豪嘗讐服邊寇亦清平臨
難輸忠節辭榮保令名賢哉蹈仁義舉世可為程泉企字思

道九歲類成人授討寇將軍屢破邊敵為雍州刺史豪右屏迹忠尚之廉慎每除一官憂見顏色至於類辭史臣曰企臨難慷慨有人臣之節豈非蹈仁義者歟

南荆推德厚千里遠從師與識通三教清聲冠一時就
招雖暫至戀本固難移故老稱前事儒宗道益滋沈重字德

厚專心儒學從師不遠千里仕梁為都官尚書周太祖致書招之令於紫極殿講三教朝士儒生桑門道士至者二千餘人凡所解釋咸為所推後來請還梁高祖詔荅不忘戀本深是嘉之傳序云高祖命輔軒而致玉帛招沈重於南荆史臣曰每聞故老稱重所學非止六經故能馳聲海內為一代儒宗

遷哲承華緒深謀事戰征艱危思大節慷慨得羣情惠

愛均戎旅威名震敵城江陵推冠勢宵遁賴奇兵李遷哲少

仕梁襲屯陽侯慷慨善謀畫羣下甚得其情後降周太祖問之對曰世荷梁恩不能死節太祖嘉之拜車騎將軍往畧巴蜀皆望風送款與士卒均食親加醫藥故軍感之人思放命後陳寇江陵遷指往救閣出兵擊之陳人乃遁

奉和御製讀隋書三首并注

里仁懷遠度大雅擅嘉名制禮通時變求書贊治平推

心清選舉從儉化黎氓終始承恩遇芳猷冠老成牛里仁為

祕書監請開獻書之路為太常卿定雅樂議新禮為吏部尚書務在審慎推心任委隨隋之選舉於斯為盛里

仁榮寵當世車服卑儉隋室舊臣終始信住一人而已史臣曰里仁懷曠遠之度可為大雅君子矣

榮定誠嘉器攀鱗屬盛時賞勞恩特異知足志惟熙壯

節承昭感崇基保燕詒但能思衛霍自可比著龜寶榮定沉

深有器局娶安成長公主少小與高祖相厚後以佐命功拜上柱國遷秦州總管逐虜於高越原無水榮定仰

天太息俄而澍雨帝欲以為公榮定上書云西朝衛霍東都梁鄧寵積驕盈必致傾覆上乃止史臣曰榮定運

屬時來以功懋賞保其祿位貽厥子孫崇基弗墜盛矣

子蓋懷英斷南荒久駐留清通承春煥恭順望巡游異

寵榮卿黨丹誠被寇仇邊民思舊愛刻石在西州樊字蓋為

循州總管十年授武威太守煬帝下詔曰子蓋幹局道
 敏履操清潔又曰宜加褒顯以昭獎勵後帝幸隴川宮
 子蓋傾望奎輿帝下詔曰卿夙懷恭順朕西巡欣然
 望幸是歲朝於江都帝曰富貴不還故鄉衣綉夜行耳
 勅廬江郡設三千人會使謁墳墓當時榮之及留守東
 都破揚感帝謂曰揚感之反神明故以彰公赤心耳後
 武威吏民
 刻石頌德

奉和御製讀唐書

三首并注

天祚文皇德元成雅道施納忠禪闕政偃華致昌期宴

喜刀方解人亡鑑遽隳數行遺奏在猶可動神祇魏徵

成太宗嘗曰徵勸朕偃革興文天下大寧又宴曰謂侍
 臣曰徵獻納忠讜古之名臣何以加也解佩刀賜之徵

亡太宗曰朕以三鑑防已今亡一鑑矣遣人就宅得遺
 表一紙數行可辨云任善人則國安任惡人則國危公
 卿之間時有愛憎所宜詳慎太宗曰侍臣可書之於笏
 史臣曰徐邈山濤謝朓比文貞雅道不有遺行乎

哲輔延清問元和致治平從人成庶務求瘼濟羣氓務

遠能無怠求材可倚成乃知虞舜德恭已固難名元和初杜

黃裳為相憲宗問以前代帝上之事對曰帝王之務宵
 旰以求民瘼捨已從人不宜怠肆安逸事有綱領小大
 當務知其遠者大者固不可代下司職但擇人委任責
 其成效傳稱帝舜之德曰夫何為哉恭已正南面而已

賢哉段忠烈振迹自邠寧動必懷剛毅何嘗廢典刑英

規方貫古樂石諒難銘密議初如用艱危豈易形段秀
 寔初

為安西別將節度梁宰懷異圖秀寔直言折之尋為邠
寧都虞侯號令嚴一軍府安泰代宗聞而嗟賞之後笏
擊朱泚遇害德宗褒贈甚厚官為立碑初秀寔諫以禁
兵少不足以脩非常德宗不能用後文宗時宰臣李石
曰自古沒身以衛社稷者無如秀寔之賢

奉和御製讀五代梁史二首并注

李唐危漢祚巢寇盛黃巾嘉士逢多難忠言變逆倫決

疑歸大順定策戮姦臣宜享崇高贈千年道更新唐季之亂

危於漢末巢寇之黨盛於黃巾進士謝朓投迹梁祖說以歸順唐室梁祖曰我意素決又復何疑即日定策戮偽監軍使恣眾歸順僖宗授曠太子率更令開平初追贈司徒

贊貞懷武鷲轉閉歷炎涼誠感泉源異兵嚴士庶康臨

危見忠憤對敵擅威強終始心無改遺言更可傷牛存節字

贊貞武鷲有大節威名聞於敵境戰陣累載有功初授潞州步軍都指揮使法令嚴整士庶安之為同州節度使岐人迫城城中井水鹹苦人不可飲存節乃肅拜虔祝擇池鑿八十餘井味皆甘淡以為至誠之感病渴皆消河北用兵存節忠償彌薦未嘗言病將終戒其子以忠孝不言及他

奉和御製讀五代史後唐史二首并注

燕趙生奇士仇方決志平十年常竭節一劍早知名自

取河南鎮終辭霸府兵飛鷹昭慶路窮達有高情符習少事

王鎔鎔為張文禮所害訴於莊宗曰臣本趙人事王氏故使常授臣一劍俾臣平蕩克寇願本軍誅其逆黨莊宗令閻寶等助討之誅文禮莊宗割相衛二郡置義寧軍以習為節度習對曰魏博六州見保霸府不宜遽有割隸但授臣河南一鎮臣自攻取乃授天平軍節度莊宗十年沿河戰守常以本軍從心無顧望後安重誨不說授太子大師致仕歸故里趙州昭慶縣飛鷹痛飲周遊田里史臣曰符習乃趙之奇士也

長興秉鈞者子晦道攸隆剛介昌言遠忠清茂澤豐懿

文常休道妙畧早從戎可惜虧同德當年阻建功李愚字子

晦長興初入相後秦王恣橫臣避禍不暇無敢言者愚性剛介往往形言人無倡和者不治第宅官借延賓館居之嘗有疾近臣宣諭延之中堂設席唯莞結明宗特賜帷帳茵褥嘗為文曰仲尼遇顏子壽等篇人皆稱

之初以翰林學士從魏王征蜀安重誨問計皆中後馮道出鎮與劉昫同在中書昫與道婚家或舊事不便要釐華者對論不定由是罷相

奉和御製讀五代晉史二首并注

子文懷妙識與學洞天常恬淡遊蓮幕謙虛踐玉堂至

仁周僕御大雅變詞章慎默誠無怠危機可盡防崔稅字子

文好學博涉經史閑居二十年專以著述為事王瓚表為從事性恬淡不汲汲於榮利為翰林撰樂章新詞教舞童歌之高帝嘉之有人借文本寫者則曰有前賢有來者安用此端生寡言嘗云非止致人愛憎或干人之忌諱指命僕後亦用禮節盛暑初寒不使冒犯

大雅懷忠孝當年效戰征詢謀無敗事臨敵有奇兵安

陸祚狂殄宗城寇難平察廉能惻下何患政難成馬全節字

大雅歷歷博單郢沂四州刺史在郡有政聲遷金川防

禦使會蜀兵攻城出奇拒戰賊乃退後為義武軍節度

國家有所調發朝受命而夕行治主餘財必充貢奉事

母王氏至孝温青面告畢盡其禮動與慕容謀誼故鮮

有敗事鎮中山日杜威奉括民粟全節曰邊民遇蝗旱

家食方困官司復擾之則民不堪命矣我為廉察安忍

效尤百姓稱其德史臣曰全節平安陸

之祚預宗城之戰功既茂矣貴亦宜然

奉和御製讀五代漢史二首并注

危邦有賢哲力戰鎮州平革弊還疲庶從寬悅衆情愛

人惟責已徇節幾忘生青史惟馨在千年仰令名王周累歷

郡守安重榮以鎮州叛從杜重威討平之授貝州節度

使移鎮涇州前帥張彥澤苛虐部民逝者五十戶周下

車革前弊逝民復歸遷鎮州節度稟性寬惠人庶使之

杜重威引契丹臨城諭之周曰受國重恩不能死戰而

以兵降何面目南行見人主與士大夫乎乃痛飲欲引

決家人止之初守信都橋敗虜民租車周曰刺州之過

也乃還所沈粟出私財以修之民庶悅焉史臣曰晉漢

之際取符竹者多矣其間有及民之惠如王周之闡政

求益誠賢牧廉平致樂康歡謠騰近輔盛典茂薇章舊

相親褒記黎民競感傷豐碑應不朽千載咏惟良劉審交字

求益累任州郡綏撫有術凋弊復蘇為汝用防禦使汝
 為近輔號稱難治審文盡去煩弊百姓歌之卒郡人聚
 哭乞留墓立碑起祠詔曰褒賢獎善豈限彛章可特贈
 太尉史民所請宜依故相馮道曰知其為人庶平慈善
 無害之良史也吏民懷感如此著痛哭詞六章鏤於碑陰

奉和御製讀五代周史二首并注

文懿艱危際虛心自晏寧依違慙問戰閑淡貴無刑鎮

俗懲浮躁尊儒鏤典經忠誠虧美謚良足媿幽靈馮道

四朝雖逢艱危不易其度懷才抱業者皆引用履行浮

躁者必仰而鎮之節制同州日閑淡獄市無擾晉祖嘗

以兵事問道對曰神武睿畧須從獨斷臣本自書生為

陛下在中書不敢有一毫之失也命學官刊板流布謚

曰文懿史臣曰事四朝相六帝可得謂之

忠乎不得謚為文忠文正者蓋謂此矣

文伯懷明識英規世所推濟時陳策畫急用備論思隘

郭爰增廣煩音亦改為溫恭非不濟感遇志如茲王朴

伯世宗時言平邊策世宗重其器識世宗以英武自在

有包舉天下之志記事者不喻其志惟朴神氣勁峻性

剛決有斷凡所謀畫動愜世宗之志故急於登庸為端

欽定四庫全書

文莊集卷三十二

宋夏竦撰

五言律詩

奉和御中製和節

中春邁初吉嘉節著芳名
習習微和扇欣欣萬物榮
雲融總化鶴谷暖已遷鶯
朝野多歡日風謠會頌聲

奉和御製會慶殿宴

禁門秉曉會宴豆示慈伸
激水龍騰久儀韶鳳降頻
雲

章流漢筑衢酒洽堯民百辟皆星拱兢兢奉北辰

二月昭州奏正月一日設醮上玉皇燒錢次有

鶴一隻翱翔久之西北去

平樂初正月虛晨薦號時瑞場燭碧幣僊羽駐霜儀煙
頂方遙辨星精想下闕天門俄翼去杳靄瑞煙披

野步

顧步方塘上西郊日漸曛歸心臨遠渡晚色在閑雲壠

勢蜂腰接谿流鶯尾分田歌知有意豐美謝明君謹案東軒

筆錄云夏竦以父歿王事得三班差使然自少好讀書
工為詩一日携所業向宰相李文靖沆退朝拜於馬首
而獻之文靖讀其詩有山勢蜂腰新溪流燕尾分之句
深愛之終卷皆佳句翊日袖其詩呈真宗及叙死事之
後乞與換父資遂改潤州金壇主簿據此則沆所見乃
野步詩也其改攏勢為山勢改接為新或東軒筆錄得
於傳聞故有不同耳至勵鶻宋詩詩事但存
山勢二句而不載全詩則以未見竦集故也

和曉

半庭殘月在江郡鼓聲初秋氣滿南國曉雲高太虛負

霜鴻翼健含露橘花疎此景無人共朝陽入敝廬

靈溪

刻東溪溜合一派貫天台白鳥蒙灘下青山倚岸迴波
心晴景動渡口晚煙開咫尺通滄海千自去來

馬跑泉

天驥何年往龍泓此地存空餘曳練色莫辨裏蹄痕赴
海妨苔甃涵虛礙竹軒會當逢禹鑿始可見鴻源

天台道中

驅馬天台路悠悠漸向晨雲開忽見寺山盡偶逢人細
雨踈篁長微烟古木春行行遥驛道落吹起輕塵案此詩原

本闕今從兆北宋人小集增入

石梁

斷澗橫幽石蒼苔古木陰欹危接山腹迢遞過雲心峭
壁峙千仞飛流下萬尋秦人若驅策蓬島路非深按此詩原

本闕今從北宋人小集增入

晚望

雨霽吳城晚谿泉四散流禽歸半峯樹人在夕陽樓國
望分江海星躔次斗牛堪嗟興廢地千載有閑愁

鑑湖晚望

新霜脫衰葉寒日下踈篷岸細低疑盡波平波似空橋
通越谿水帆帶剡川風何處鳴簫鼓叢祠杳靄中

舟行即事

微陽下江樹秋葉泛殘紅鴈背寒塘兩帆爭晚渡風寺
橋人倒影漁徑菊分叢正是承平日輕艘萬派通

吳中懷古

覽古長江上明時起嘆嗟水流吳國苑花入野人家夜

氣銷龍劍秋星見客槎淒涼館娃樹西日映平沙

桐柏觀

鳥道寒藤結洞門蒼蘚深樓臺在山畔松檜出雲心土

暖春長在峯高月易沉羽衣祠太乙香冷石壇陰

此詩原本

缺今從天台山志增入

喜种隐君授正言直館

鶴版招幽士龍墀襲茜袍道因閑上得名向隱中高密
地棲芸閣清塗歷諫曹終南明月夜松檜自蕭騷

贈海州使君

天衢未得便假道海邊城任大總勝器官閑不稱名勸
農吟少暇憂物睡常輕見說行春去和風滿旆旌

贈縣宰

俸輕官且冷君喜在親民村路不聞犬縣城長似春架
高書少蠹廳靜隙無塵考滿留碑去清風勵後人

贈逸人

鳳鳥來為瑞達人垂羽翰語因希聖古詩為惜名難泰
華僊標峻江湖酒量寬孤寬琴有舜曲留我月中彈

送張學士赴闕

東觀嘗睽袂南州各退飛同傾就日戀先喜賜環歸舊
業懷鉛筆晨裝振綵衣離絃有餘思淒切寄南微

送益州同理張殿丞

遠指三川路初辭六尚班占星度危棧叱馭下靈關職
亞銅符重兵銷玉帳閑漢臺誰視應得長卿還

送人出牧

聖主念元元良臣選掖垣紫墀分使節紅旆出都門雲
淺斜陽路雲深晚燒村期年如報政應許賀新恩

秋日送人南遊

幾驛蘓臺路輕裝轉塞蓬夜船千櫂月寒酒一旗風水
閣菰蒲老山明橘柚紅莫君回首處曉色五湖東

秋日送人西上

旅程看驛道西去興何如南國秋霖後斜陽樹影踈野
光飛翠羽溪艷照紅蕖好去朝端客人爭草薦書

送人

野色兼行色長亭一送君東書登古路重繭踏寒雲山
過天台小溪臨婺女分流光須強學當守正崇文

留題友人郊居

羣書架寒壁庶事得從容花木移諸寺雲泉借數峯積
陰春作雨瘦竹老成筇應笑南陽士明朝又卧龍
卜築遠朝市著書成歲功長雲覆孤木古道滿清風地
勝花房異山靈雨氣通綸巾不可戀鶴版下閩東

代村叟
安居近幽谷
井賦籍良田
聖代無深隱
家山不直錢
候耕看土脉
祈穀賽豚肩
城市知何處
疎鐘隔暮煙

國清寺

穿松渡雙澗
宮殿五峯圍
小院分寒水
高樓半落暉
葉

從金地下

寺東北峯有智者金地道場

雲向玉京飛

寺之西洞有玉京天

欲問

西來意誰傳
智者衣

善慧師禪齋

是誰名作佛
何法謂之禪
恍惚起無象
逍遙出自然
有修皆障礙
欲問即攀緣
寄語猊牀客
心心不易傳

虎丘僧舍閑望

勝地訪靈蹤
層樓四檻風
遠陰生曠野
午影轉疎桐
澗水霞凝紫
谿煙日襯紅
可憐秋思晚
相倚館娃宮

欽定四庫全書

文莊集卷三十三

宋夏竦撰

五言排律

奉和御製瑞雪

朔吹淒寒序繁英降美祥潤將膏露接時契聖心彰不
 夜蟾輝滿先春柳絮揚龍沙度北野鷗素失南鄉帝苑
 敷瓊藥神馳瑩玉塘薰絃俄發詠風雅邁岐昌
 宣賜翠芳亭雙頭並蒂牡丹仍令賦詩

華景當凝煦芳叢忽效竒紅房爭並萼細葉競連枝綵
鳳雙飛穩霞冠對舞歌游蜂時共翥零露或交垂勝賞
回金蹕清香透黼帷兩宮昭瑞德天意豈難知

奉和御製玉清昭應宮天書閣瑞應

盛德靈謀協元符寶字披真宮肇高閣精意感鴻禧曉
箭傳初刻朝陽吐半規祥煙五色麗嘉氣九華滋汎灑
金光溢扶踈玉葉垂堯心膺眷祐欽翼愈孜孜

奉和御製滋福殿清醮聖祖天尊大帝尊像瑞

宸闈啟瑞場祇畏感穹蒼紫幄威神格清宵景曜彰霓
旌承宇列僊驥度雲翔肝壑停霞響歆馨挹鳳觴蘿圖
千葉固山壽萬齡昌玉籥流宸唱函蒙播美祥

奉和御製天書道場觀神雀

齋明尊寶籙祇肅建真場上帝靈心顯中宵瑞羽彰入
豐慚美應上雍喜嘉祥彩仗留輕迹彤霞混葆章乍衝
香馥郁高映燎熒煌雲漢敷宸唱繁禧浹萬方

香鼎噴香奉和御製冊府元龜了畢

文德洽隆平蓬山蠹簡盈漢金方盡購秦石諒難程稽
古承先志宣猷聚世英刊修百家備細繹十年成休沐
當冬日多歡奉相衡豈期頌睿藻何以報茲榮

奉和御製告玉清昭應宮太廟禮成

時巡將順豫吉禮協休成先道真文肅徐鑿瑞氣平密
都嘉薦備太室令芳呈請越鏘金奏齋莊儼翠纓商雲
朝蒼蔚花雪夜縈盈煥衍昭繁祉千齡表盛明

奉和御製真遊殿成詩

宵晤靈猷顯彤庭藻銜臻鳳輿回八景龍旆駐三辰太
古仙儀接虛皇宓誨伸天枝鴻緒遠殿翼舊規新寶勢
承基壯祥輝燭地頻叢楹虹帶繞彩制玉霄隣致孝常
尊租祈禱永庇民巍巍局禁內億載奉元真

奉和御製大酺

痊玉祠真時還衡格闕宮策勳恩已盛合醪慶彌隆法
坐臨雙起清音奏六同羽旄秋色麗簪紱曙光融寵宴

均堯酒宸章起漢風羣生遂鳧藻何以報層穹

賞花釣魚應制

上苑乘春啟竒花效祉新連房紅萼並合榦緣枝勻翦
獻尊長樂分頭寵輔臣從遊過水殿凝蹕近龍津額座
臨雕檻文竿引翠綸波香投桂餌萍暖漾金鱗湛露芳
樽酒鈞天廣樂陳多歡千載過何以報嚴宸

延福宮雙頭牡丹

禁籞陽和異華叢造化殊兩官方共治雙蕊故睽跗嚮
日檀心並承煙翠餘孤游蜂須並翼凝露亦駢珠曉檻
香俱發晴階影對鋪君王重天貺臨寫冠珍圖

奉直園雙頭芍藥

奉帝名園麗翻堦淑艷鮮一叢芳蕊統四朵絳跗睽朱
李應雙結蘭缸忽並燃異瓜緗帶合嘉木翠枝駢映葉
交霞袂迎風疊綺錢流祥在園素千載冠嘉蓮

又講徹禮記崇政殿開寔應制

賜花內
出口味

幄坐尊儒術華光御講筵爰開栢梁宴為畢曲臺篇法

從飛綏接藩房綺組聯賜花均綵萼陪鼎襍冬鮮甘潤
聲詩洽芳蕤注籍傳師臣咸拜手歸道黼帷前

皇帝聽講尚書徹太清樓賜宴

洛書初罷講漢苑特開筵將許陪旒宸先容閱簡編神
宗遺札啟真祖寶文宣密坐瞻亮日凝心聽舜弦賜花
緗葉綴勸酒玉卮傳恩重天難報肌膚豈易鐫

觀唐明皇水字流杯石應制

開元留翠刻昭代奉宸游綠酒聯杯汎紅泉滿字流澄

清涵玉宇漱灑轉銀鈎霄堦奎躔布龜圖洛畫浮偃波
分密坐垂露直前旒若許銘天德園青豈易儔

元真殿燒香觀太宗真宗御書仁宗飛白書并

瑞穀應制

蘭炷薰琳殿霓旌映綠莎九清真蔭遠三母睿慈多閣
道陪鑿往唐中奉詔過熙陵遺札啟禰廟寶文羅繼志
頌宸翰飛毫動偃波史臣書絕瑞鈎盾對嘉禾

奉觀御飛白書應制

聖德天攸縱慈闈寶訓宗飛毫邁古法方丈奪神功輕
 素飄驚吹長煙疊遠空點孤時戲蝶波偃乍騰虹洛畫
 誠難並奎躔或可同猥叨宸筆賜羽翼誓輸忠唐太宗嘗以神
筆賜馬周飛白書曰為鳳凌雲必資羽翼股肱之寄要在忠良

皇太后謝太廟中書附進

法宮裁舊典長樂奉春祠犧象華樽設旂常大路移屬
 車朱總備亞裸翟章垂瑤爵因周制金根益漢儀歌馨
 百祿委齋稔六宮隨往訓遵三母何階擬聖時

躬耕籍田詩

廣疇承嚴享東廡錯上儀纁裳拂黛耜采繅映紅縻內
 宰登嘉種餘夫列縹波游場玉趾遠盡隴紺轅遲蔗菘
 訓農穡馨香供帝粢匪今方介祉敢續載芟詩

萬家充積望千里絕纖埃日輾雲頭上風驅雨脚迴亂
 帆爭古渡疎葉下高臺啟戶晴光入卷簾秋氣來山心
 餘靄散地角亂煙堆宿鳥幽叢開殘虹遠色開脫簞人
 顧步臚羽鶴徘徊茵遶枯林下萍翻曲岸隈名園添舊

金定四庫全書
卷三十三
荀幽石長新苔綺席誰相賀繁絃拍屢催

和集賢相公攝事出郊

台衮承嚴祀傳呼出禁城
圻壇將錯事總駟暫觀耕
盈止喻周頌康哉叶舜賡
滿篝登大穉首種達初萌
行饁家為忝要朋戶捧罌
川長應萬耦樹密盡三荆
有相神休茂多勸國譽榮
餘糧充近甸遺秉富陪京
碓罷舂梁熟機閑織素成
休牛鳴笛起會績遠登明
路有遺金在村無吠犬驚
熙熙難偏紀仰泰階平

送吳興使君郎中分務歸姑蘓

罷郡歸南國分曹在別京
江山適清尚圭組謝浮名
桂楫鄉人送雲漿舊吏迎
夕香薰迺遠春溜斂池平
累去千憂盡中恬四體輕
吟齋研賜墨釣渚濯塵纓
玉樹明方盛金鈎慶已成
何妨過轍下萬壽集公卿

送鳳茶與記室燕學士詩

綠萍園規異紅滕篆印新
爭先御府貢初摘建溪春
臆滑重蒼壁嬌黃聚翹塵
焙痕連井字鳳刻疊龍鱗
玉座

均芳旨金華寵侍臣齋心分一餅持贈輞川人善畫臺
比之摩詰

欽定四庫全書

文莊集卷三十四

宋 夏竦 撰

七言律詩

奉和御製千葉黃牡丹

奉聖旨
次韻

千葉繁英吐異芳中央夾色蕩清香
密攢鸞羽參差拆細疊霓裳次第黃
霧鎖天衣臨翠幄露傾金醖灑霞漿
聖明盛事尊長樂親灑宸毫奉美祥

和御製賞花詩

禁園清蹕賞春時
水殿晴陽照翠綏
步輦乍衝僊杏葉
御衣頻拂露桃枝
風搖藥粉星星墜
日引芳陰寸寸移
帝所甚歡宮漏永
宴餘仍奉栢梁詩

奉和御製雪

寒風夜傍梁園積
花雪晨臨宋殿飛
歌儷陽春爭度曲
月承宵幌競通輝
五車洛邑延神御
八駿黃臺罷獵園
今日雲章昭美應
眇觀千載事還稀

奉和御製清心殿水清木再連理

禁中逢日照南榮
瑞木聯祥耀國經
合榦舊臨宮檻密
交柯重接帝梧青
華平對植行侵陞
若木相輝影滿亭
况是齋心延祝地
愈昭天意答惟馨

奉和御製太清樓屏風栢連理

禁園綺合羣芳茂
瑞栢屏開秀色呈
託植久依仙杏密
附枝俄接帝梧榮
非烟結翠和風細
滴露凝華曉日明
况是歲寒堅節異
亭亭千載表殊禎

四月昌州奏聖祖殿下生芝草一本四莖及面

有紅光如悅懌之狀

昌元遠地凝和氣真祖仙宮發帝祺穆穆眸容分喜色
煌煌寶座秀靈芝已彰日監靈心顯更表晨敷協氣濟
元后欽崇膺瑞命殊庭薦號咎繁禧

五月同州奏牡丹一枝開三花

上聖德風馳率土左馮嘉氣襲鴻英疏叢一榦迎春茂
繁艷三房表瑞呈承獻珍圖昭美應考祥花品見維禎
帝宸欽翼崇昭報薦玉燭榮極至誠

閏六月眉州奏禾生九穗

眉山遠地蜀川西九穗嘉禾忽效祺東極龍枝人莫覩
環丘玉粒世空知中和積粹名方異繁蔚呈祥事更奇
自可增封齊北里豈將同穎比繁禧

梓州奏廣化寺池蓮五莖各開二花

梓潼名郡蜀川東忽秀化蓮紺宇中裊裊修莖孤引綠
盈盈雙葉對分紅絳跗相倚凝新露紫葍交垂向曉風
爰考瑞圖觀美應柳州嘉產寔難同

奉和御製景靈宮迎牌

紫館成功屬盛時
道迎金榜耀文思
沉沉殿翼彌增麗
轟轟圭稜盡中規
祇薦寶香清吹裏
下觀颺御彩雲隨
羣心仰止與謠誦
永見千齡播緝熙

奉和御製兗州景靈宮太極觀牌登路

崇繁紫館集繁禎
躬勒璿題耀筆精
藻銜森沉登廣路
彩雲搖裏入層城
高倂曲密分都號
遠法陽寥紀殿名
真祖覽觀鴻慶茂
壽山從此倍崢嶸

奉和御製甘雨應祈

少皞九秋當季月
成湯六禱動靈心
中霄甘澍均豐浸
晝日層雲結遠陰
銷去驕陽為瑞重
招來嘉應感人深
側身修道殊千古
仍叔焉能播德音

奉和御製喜春雨

太液冰銷春水生
華林氣暖暮烟橫
忽聞甘澍中宵降
共慶豐年上瑞呈
拂地如絲籠北闕
映花疑霧露南榮
原田脉起承甘潤
自此嘉生永順成

上元應制

魚龍曼衍六街呈金鎖通宵啟玉京
冉冉遊塵生輦道
遲遲春箭入歌聲
寶坊月皎龍燈淡
紫館風微鶴燄平
宴罷南端天欲曉
迴瞻河漢尚盈盈

此詩原本缺今從詩話總龜采入

帝京春日

景陽鐘盡唱隣雞
十二都門報啟扉
一帶樓臺擎落月
萬家桃李待朝輝
宮槐煙暖鶯猶睡
仙掌雲寒露未晞
莫是五侯偏稱意
遊春車馬早如飛

江南春日

江北遊人春未迴
江南春色傍人來
茶經穀雨依稀綠
花接清明次第開
場上鬪雞金作距
檻前粧鑑玉為臺
六朝風物今何在
莫負流年酒百盃

寒食

夾城烟淡草霏霏
晉俗相傳禁火時
御苑梨花盛發
帝園桐葉初披
塵微蹴踘人將散
雨細鞦韆索半垂
遊騎尋芳還鬪酒
九門謠誦樂重熙

春遊

艷艷春風雨半收少年踈誕稱春遊將軍雪散橋邊市
騎省花開縣外樓草嫩玉堤截墮珥酒濃金盞滑歌喉
誰能借取瑤池馬亂踏紅塵四百州

初夏有作

玉瑄葭灰昨夜次日華光暖向陽枝東君亂點丹青筆
真宰忙揮造化樵紅日暗長人不覺好花偷發蝶先知
後園無限桃蕪李留待新恩得意時

江城秋思

澤國迢迢沈海涯眼前歸思亂如麻清秋泉石無多地
殘日樓臺有幾家兩岸早霜紅橘柚半汀殘雨老蕪葭
明時不見投簪客落盡西風紫菊花

華山

三峯森翠倚雲稜凝睇煙蘿最上層八歲亂分秦帝國
四閔空鏤漢皇陵仙羊未起眠春草塞馬初歸放紫藤
堪惜聖朝無傲吏夜來風月屬閑僧

滕王閣

面臨漳水勢凌霞却倚重城十萬家當檻曉雲生鶴嶺
拂塔殘雨下龍沙辭人高宴文皆在帝子勸遊事未賒
好是良宵金鼓動闌干牛斗逼簷斜

南懷古

六朝雲物更風流澹澹煙藏古寺樓敵國漫輕江似帶
史臣能視橘為侯荒臺有鹿姑蘓曉壞閣無香建業秋
到了賢明出中土莫誇歌舞霸南州

金陵

虎踞龍盤委辟蘿臺城春雨長寒莎梁家不覺市朝改
蕭寺只聞鐘磬多雲樹暮堤攢劔戟風篁虛谷轉笙歌
須知王氣隨明主不據金陵又若何

狼山渡口有作

渡口人踈黯翠煙登臨猶喜夕陽天殘雲右倚江都樹
遠水南迴建業船山引亂猿嘯古寺電驅甘雨過閑田
季鷹死後無歸客江上鱸魚不直錢

感興

流年難駐且從容
莫厭多情事萬重
深院晚因留客鎖
小欄春為惜花封
家山久駐偷歸夢
庭檜清含入夜鐘
更更有薄遊長記
得翠鈿遺處綠陰
濃

洛中春早禱龍門無畏塔得雨

露盤金索出危岑
風卷驚塵撲翠林
五夜清場嚴佛事
一犁甘澍慰民心
聖君旰食憂應減
守吏齋誠禱更深
泛灑洛川皆帝力
好浮青鯉瑞煙尋

本宮投龍簡中使

醮罷層霄鶴吹分
夜壇香火鏤金文
羽人月筆封瑤檢
使者星驅下絳雲
藥簡薦誠川后聳
金龍傳信洞天聞
再三鵲尾添檀炷
為祝虛心佑聖君

仙姬怨

洞心垂揚拂地垂
年來期約又依違
紅桃不解留人住
白鶴何曾覓信歸
雉扇對開春寂寂
繡衣雙卷雨霏霏
無言盡日雲邊立
不許霓裳按羽衣

宮詞

柳帶分陰接殿基
笙歌還擁翠華歸
前宮曉赭勻粧臉
別館春紅曬舞衣
槐影對籠苔點細
桐花西倚夕陽稀
夜來夢上檀香閣
猶映珠簾避貴妃

秋日江館喜彈琴羽人至

水館淒清天一涯
喜逢仙蓋駐靈芝
煙霞初散海中會
風雨忽來江上期
琴軫玉寒彈宿露
酒卮金暖對朝曦
圮橋書在如相授
不獨留侯是帝師

喜馬少保致政

世機無路惱天真
心地逍遙萬象新
久戍金河歸塞客
却浮鯨海到家人
靜封藥竈移文火
閑看花陰上舞茵
應笑公侯方內熟
六街奔走利名塵

送江寧相公

六朝臺榭好山川
丞相遙分造化權
兩府規避遵故事
二南風什聽新篇
平反庶獄棠廬外
約束諸侯玉帳前
莫訝依依戀行色
壽藩書命最多年

相國初拜銜翼之命叨掌除書

送太傅相公居留洛宅

梓澤芝田尊帝里玉符金鑰委台司家傳舊節居連帥

元帥忠懿王昔胙土南陽公復以武勝節制居守繼長諸侯史作新書贊父師留府

橐鞬分騎引都門圭組闕班辭共驚河洛初開奧一日

龍光四海知上即位述作多祕禁中至是賜公詩一章寵行天下榮之

送濟南杜郎中

秋樹參差墮葉紅剖符還過故鄉東星分北陸龜蛇內

位應哀鳥太紫中亭傳宛如行部日公曾司京東漕輓冠纓猶

帶觸邪風公魯歷臺寒泉豈是無人塞待君侯立事功

送修撰楊學士留守南京

畫船椎鼓忽東浮留幕賓從候舳艫宮裏銅魚勘門鑰

府中銀兎合軍符鳴騶苑路人千騎送客河橋酒百壺

莫為文章還自苦鴛池龍岫且游娛

送王端公克荆湖北路轉運

錦衣駟馬好還家大別山邊漢水斜霜簡位高增意氣

金章恩重有光華幾程蠻徼雲巖驛一棹荆江月照沙

多少朝簪鬢成雪願君休訪楚山茶

送李殿院知防州

屈草睽芳暎法冠亭亭風度聳朝端一麾出守秦城近
千里班春漢詔寬引道畫旗迎馬重褰帷霜簡照人寒
都門回首多離緒寶瑟淒風別酒闌

送蘇臺守受代歸朝

香案當衙拜鳳書使君旌節下姑蘓賓朋唱和詩千首
耆幼扶携酒百壺野樹遮藏過建業亂山迎送出江都
西風不得同歸去紅藕花邊望舳舻

送新思善濟處士歸玉笥

蠲疴妙劑分黃閣駐景倦山奉紫闈太秀山川須長價
少微星宿已增輝幅巾不被塵纓縛別笈唯封賜藥歸
唳鶴鳴猿好相候利名無染世還稀

送人遊閩右

朝曦輕抹柳梢長歌徹郵亭飭去裝鷄首右瞻秦分野
虎牢西入漢關防溫泉雨霽離宮碧麟時沙鷺塞日黃

如訪平戎最長策不徒鞭馬為詩忙

送人入越

廣陵江口柳疎疎自領笙歌上舳舻一片曉山迎越絕
教程春水背姑蘓蓮供晚果蜂房細繪市朝餐線縷麤
他日功成待相訪謝家烟月借人無

送友人之淮西

五里亭前一送君碧油紅旆駐清塵半軒晚日淮西落
數拍離歌江上春杜宇有情移別樹野花無主傍行人
男兒多少酬恩地不欲東風淚滿巾

寄張相公

台司金印護諸侯冲氣均和耐素秋戶牖舊謀方倚重
菟裘前計合遲留豈同少婦輕辭漢况有維師永佐周
秉燭家園且行樂即應重起濟川舟

春日寄陳舍人

濃淡晴霞泛夕陽重重烟藹護流芳花殘遠渡曉風急
路入層雲春夢長結蕙翠光留蝶舞含桃紅寔駐鴛嘗

金定四庫全書
卷三十四
可憐得意文章客
扈蹕西園月桂香

題東林寺

昔帝先賢跡未銷
森沉臺殿鏤嵯嶢
新蓮照水香空在
舊葦生塵翠已凋
夾道古藤看翳日
過溪蒼蘚半侵橋
遠公前意無人會
空對清風望寂寥

崇勝寺

山當廬阜五峯邊
地占侯溪好習禪
查謁峯峦雲蔽日
參差樓殿瓦生煙
僧房宿鳥棲簾外
客館鳴泉過枕前
但可登臨閑訪古
西來無法與人傳

觀夜醮

萬條銀燭間靈旂
一片清香匝玉墀
羽帳星辰來不覺
僊壇冠帔立多時
紅桃裊露風初細
白鶴迎雲月漸遲
試託東皇問簫史
鳳簫應許借人吹

話道

清淨無營即自由
神仙何必待人求
秦皇多詐死猶諱
漢武窮兵老未休
巨費漫悲徐市藥
怪書空驗少翁牛

須知方寸真元意不在層城十二樓

赤壁

丹壁排空叠綵虹上真應此駐靈蹤烟沉曉日明孤頂
雲破餘霞出半峯巖下法師曾伏虎洞中仙客屢投龍

他年翠盖東巡狩玉牒終須受大封

案此詩原本闕今據北宋人小集增

欽定四庫全書

文莊集卷三十五

宋夏竦撰

七言排律

奉和御製龍圖閣觀書

吳日觀太宗御書

切雲層閣倚龍城霜素緹油聚壁經巖召近臣容侍從
載賡宸唱樂清寧神宗燕翼垂貽訓地寶昭彰顯端形
芬馥芸香飄紫禁熒煌金刻照彤庭龜陳洛晝開瑤檢
弦泛薰風出黼扃自慶孤生逢旦暮媿無嘉頌贊明馨

奉和御製奉祀禮成宴

真塲薦鬯方回蹕泰時欽柴既受禧壁散九行頒寵宴
翠綾三接慶昌期露晞朝景彰慈渥風扇微和表聖時
羽籥動容分廣砌旂交影上丹墀瓊跗拜賜承天意
絳羽來儀識鳳姿向晚栢梁傳睿唱帝臺春箭更遲遲

奉和御製內苑嘉穀

淵聖欽明撫庶氓齊居勵翼御彤庭天田播種勤農事
雲稼流祥耀國經瓊粒蕃滋爭結穗龍枝屈曲競分形
搖風秀色交卿霽垂穎餘先近帝星茂遂豈同藁葉異
殊尤全掩鳳冠靈連莖五七踰成數寔衷皇穹鑒德馨

奉和御製玉清昭應宮天書閣上梁

颺馭告期宵寤協紫虛疇德秘符呈誕膺顧誕營恭館
仰悟威神奉太清密石礮磨鳩郅匠非煙騰瑞集周禎
上侔帝闕規模麗遠掩迎年憲度明將闕玉文藏綠蘊
載崇金閣對丹城高陞彩制修染直永據柔靈寶勢貞
飛陞綠雲彌岌業重樂倚漢益崢嶸良辰涓選繁禧茂

嚴蹕臨觀懿禮成慶賜春流均盛食真香雲備薦明誠
薰絃濬發斯千詠丕顯鴻猷洽治平

奉和御製玉清昭應宮玉皇大殿上梁

三聖重熙鴻業茂百靈申錫寶符彰寅恭清淨函無象
顧謨高明順秉陽法馭省巡修廢墜真宮經始報祺祥
棟升文杏觚稜峻殿啟真琳玉瑱方九帳盛儀陳宴衍
六莖清奏助歡康開軒瑞氣凝空碧駐蹕晴輝艷赭黃
珠樹移陰從帝圃霓旌分影自仙鄉宸游悅豫同襄野
睿藻昭回邁栢梁黎庶縱觀爭嘆詠侍臣嘉頌極游揚
靈休錫羨享風振永播聲名浹四荒

奉和御製國學太宗皇帝御書閣上梁

神宗濬哲通三變善繼文思洽萬方高倚叢楹藏鳳蘊
密礮溫石鏤雲章素風暢茂增鴻慶景耀騰凌發美祥
回據日畿分寶勢遠承雲路抗飛梁推恩宥弊班中帟
式宴朝纓集上庠更仰紫宸敷睿唱夏弦春誦永游揚

奉和御製九天司命降臨

緝熙綿寓肅邊疆蕃祖紛綸顯阜昌真馭告期通夢寐
 嚴宸精意潔壇場青煙漏上盈中禁碧輦霄分下彼蒼
 照地輝光蒙鶴馭人嘉氣雜蕭鄉峒山順拜鴻儀展
 太古靈源密命揚載仰金姿唯臍穆稍瞻雲躅更輝煌
 曉霞微動觚稜峻弦月斜明玉瑱方丹鳳卷旂嚴藻衛
 紜車旋軫向仙鄉春祺渙汗均流慶睿唱昭廻紀降祥
 萬國頌聲皆載路巍巍馨烈邁成康

奉和御製靈應瑞石

沉潜毓粹生嘉石宥密開祥契上穹降聖遠期真馭協
 中年遐祚寶符同愛殊延喜靈珪上詎比昭華瑞琯中
 隱起玉文非篆隸混成環狀豈磨礪彌彰帝歷休祺茂
 永叶仙源統緒隆欽翼春懷敷睿藻巍七千祀仰惟聰
 奉和御製朝元殿朝謝玉皇大帝

三清石序儲繁祉萬乘欽明睿上穹聖化誕敷書軌混
 僊游昭假地天通靈輝熠煜充丹集瑞霧霏微翳碧空
 積累有開鴻緒遠顧懷無際慶基隆精心展彩威顏肅

法曲迎真睿藻融象舞任庭功復異寶符先道古難同
奉朝嘉服祇羣后贊帝鴻儀儼上公神爵乍臨香馥郁
喬雲低映樹青葱潔粲禋荐升嚴陞蒼壁高蟠照曉風
宣室受釐均大賚洋洋春澤浹區中

奉和御製朝謝玉皇天帝致齋夜天書道場觀

鶴下臨

紫皇齋祓感青冥仙驥徊翔瑞氣平百和真香凝玉羽
九枝芳燄動星精遠辭金闕銜靈命俯瞰瑤臺效帝禎
矯翼乍侵龍旆影揚音微雜鳳簫聲應須置祀昭神異
豈止登歌紀聖明藻衛仰觀皆率舞益知天意合三清

奉和御製奉安聖像禮成

琳宮胥宇象清都金閣叢楹閎寶符昭假僊游彰胄緒
範鎔真像極規模精表欽翼明威顯近輔恭迎茂典敷
美應荐臻書不絕靈期先定日無渝徘徊瑞羽臨旌旆
天矯飛龍上舳艫齋幄接神珪壁異景輿迎聖羽儀殊
熒煌寶座安三境姬煦鴻恩下九衢深慶小臣叨奉蹕

翠綉華組耀微軀

奉和御製先天節上清宮道場香合內獲金龍
天真降治祐生民紫館歌空協吉辰紛馥鵲鑪蘭注裏
盤縈鈿合翠龍臻陰凝珠樹飛鱗密影拂霓旌瑞角新
月駟雲螭徒駿逸碧鷄金馬謾璘彬會駢蚪輦昭靈異
終接飈輪奉聖神願復水官修泰御紀年何定播芳塵

奉和御製恭謝天地禮成

元真密海惟疇德耀魄靈猷務降表僊里肇裡尊妙道

國陽嚴配報層穹百神右序儲蕃祉羣后寅威仰聖風
聲震山淵踰日際澤流根葉徧區中考熙茂範登堯舜
積累遙源屬帝鴻柔遠九垓書軌混凝休千載帝天通
賡歌紫禁唐文盛第頌青緗漢德融盛業巍仁心翼仁
古今能事集皇躬

奉和御製真遊殿上梁

均和玉燭成冬夕疇聖珍符紀瑞年八景鳳輿臨紫禁
九微龍燦照祥煙森沉藻衛僊游接睟穆真儀聖誨宣

濬發璿源開物始密敷鴻蔭肇基先良金肖像鎔三品
寶殿新規度九筵綺棟虹陞初矯爾丹楹叢倚倍森然
高侔帝所威神備迴據坤靈勢勝全雲雀嚮陽明翠羽
玉題承月燦珠躔元龜協吉休符茂盛藻迎祥睿志虔
璧散示慈思正洽斯干流詠降瓊牋

奉和御製與天下臣庶恭上玉皇上帝天帝聖
號

皇皇至德名和平茂烈馨香已成祗報元符營紫館
欽崇上帝薦鴻名夤威潔志通三境宥密真游降九清
淳耀先期觀道秘休成協吉順天正瓊干文彩雲幡列
金簡熒煌玉字呈藻衛導迎揚盛則靈場陟降極精誠
繇區率籲民胥悅篆素鋪觀古未行廣樂乍魚簫籟響
仙風微動珮環聲颺煙層宙祥輝涌稱慶齋闈瑞氣生
道蔭符通嘉應集中宸繁貺永充盈

奉和御製五岳觀上梁

嶽鎮明神屢降康聖心尊奉禮文揚徽名祇薦昭殊典

秘宇欽崇報美祥
曲沼甘泉秋湛湛
浮榮嘉氣曉蒼蒼
金釭銜壁流繁影
雲雀踈霓耀采章
祗祓王靈涓吉日
密磬文杏架修梁
都人霧集鴻儀盛
帝御天臨絜志彰
宸唱茂宣昭峻極
春祺紛委顯蕃昌
升平更屬西成日
擊壤歡謠徧井疆

奉和御製玉清昭應宮成

中宸夜駐飛廉轡
東闕朝迎綠錯篇
祗建寶宮朝睟象
載崇金閣奉真銓
高侔紫極威神異
迴據柔靈勝勢宣
轟轟端平規景叶
煌煌豐麗聖功全
承隅陽馬層雲隔
鳴磬花臺曉色先
別笈錄緘龍印字
清壇香奏鵲鑪烟
流泉灌注通河漢
列館回環接洞天
玉籟琅璈鸞競舞
藥書金簡鶴爭傳
采梁虹指祺祥集
銀榜星分慶賞延
永鎮帝居資曼壽
五城奚取漢迎年

奉和御製會靈觀甘露

岳靈飛觀聳神州
上聖欽崇德日休
嘉露霄零甘特異
貞條膏被勢何稠
崑山寶器今初貯
漢苑仙盤昔未浮

自可紀年昭瑞應更殊添海助洪流董茶變味承餘潤
圖牒騰芳煥大猷願采朝華和美玉仰資宸筭倍千秋

奉和御製冬至

漢門候景嘉辰啟魯觀書雲協氣升玉琯飛灰新節應
璿霄合璧瑞華凝陽芒初勤狄兼雲柔荔將芳尚隔冰
繁祖建元名已肇殊庭備物禮將登黃龍甘露誠難擬
泰峙甘泉豈足稱共慶帝辰延百福巍巍千載庇黎蒸

奉和御製恭謝南郊

高真降佑開鴻業哲后祈禱摺下民靖館齋心成鉅典
嘉壇報貺奉嚴禋時遵夏歷春當孟禮憲周郊日在辛
圖籙先登符命顯祖宗昭配孝思伸侍祠卿士衣纓列
隨兆星辰俎豆陳穆穆蒼靈潛扈蹕寥寥風伯豫清塵
再登五陞虔誠達三燭奔精美應臻萬壽無疆增介祉
永蠲牲玉事明神

奉和御製慶先后升祔禮成

事地有嚴彰至德顯親為重化含生永懷慈景心追孝

載舉鴻儀月就盈
徽冊欽宗昭懿鑠
太宮祗祔極誠明
黃彛進裸精衷達
小呂登歌茂禮成
式晏外庭均大慶
受釐恭館洽維禎
薰弦遠播思齊頌
億載垂鴻廓帝絃

欽定四庫全書

文莊集卷三十六

宋夏竦撰

七言絕句

奉和御製籍田詩

紹休文祖盛儀陳
載耜東耕協仲春
冕服遠推踰古制
須知明主為生民

奉和御製皇太后
恭謝太廟

聖慈同心邁古先
親裁禮樂定犧牲
裸成文母膺鴻祐

永指南山比壽年

奉和御製幸金明池

睿藻昭回侔列緯時龍順豫體蒼旻豈同周穆臨瑤水
凱樂雍容浹庶民

御閣春帖子

金盤曉日融春露黼帳鮮雲蔭瑞香聖壽永同天地久
南山何足比延長

冰消太液生春水日上披香積瑞煙喬嶽告成鴻慶遠
垂衣無事永千年

天人道洽真游降禪祀功高帝業昌迎氣東郊風乍暖
受釐中禁日初長

九門和氣衝魚鑰層宙祥飈起鶴雲王澤下流慈煦遠
萬方歌舞戴明君

青遶布序韶暉盛紫禁乘春樂事多海域晏清無汝慮
齋居宣室順天和

寒梅吐艷風初應步輦宣游日漸遲道蔭無涯真緒遠

永康寰海茂春祺

內閣春帖子

青達布序和風扇紫禁延禧瑞日長
佇看親蠶臨璽館
永觀彤管播聲芳

椒花獻歲良時啟彩鸞迎春淑氣來
仰奉帝慈方秀出
吹簫看築鳳凰臺

東郊候氣迴青輅北闕迎祥闈紫闈
大庇羣生承寶緒
永敷春澤播鴻徽

銀箭初傳暖律延微和漸扇物華妍
彩幡紅綉宜春字
永奉宸慈億萬年

青陽乍整蒼龍駕紫宙初凝白鶴雲
曼壽無疆真蔭遠
九重嘉氣日氤氳

緹室葭灰飛候管彤闈天路起和風
六宮永被河洲化
穆穆芳猷佐聖功

三星分曜輝宸漢九禁迎春啟令辰
仰奉椒闈宣內治
湛恩鴻慶永如春

壽春郡王閣春帖子

穆穆韶華生紫禁
遲遲春箭下青宮
良辰已慶加元服
大國爰聞拜景風

緹室葭及飛律管
鳳闈春色動年芳
仙源積慶誠無際
永戴宸慈襲美祥

日上苑梅凝素艷
雪晴官柳弄青條
已觀壽土封東國
即看懷金奉內朝

異表英奇非世出
惠心通敏盡生知
更當淑景承慈煦

永奉嘉祥茂枝本

御閣端午帖子

續命彩絲登繭館
長生金錄獻琳宮
百靈拱衛天居峻
萬國歡康帝業隆

金縷開辰分五色
長絲獻壽祝千年
垂衣日月承嘉慶
真祖颺游正在天

僊園采藥回彫輦
禁殿迎祥啟鳳闈
四海樂康民富壽
穆清無事永垂衣

彩絲祝壽芳辰啟紫禁凝旒瑞日長億兆歸仁天祐德
絲絲真蔭永無疆

絳臺丹筆書金錄紫殿瑤箱獻巧衣億載延鴻資睿筭
百祥重沓擁宸闈

太官角黍迎嘉節上聖齋居襲美祥金闕鑒觀真緒遠
永延鴻慶庇多方

尚方綬帶迎嘉節中禁彤闈納美祥疇德珍符方瑞聖
後天宸壽永無疆

太官角黍初晨啟法坐垂衣介福隆億載昌期方赫奕
九天真蔭永延鴻

賜羨佳事傳青簡續壽長絲獻紫宸帝祉薦彰符盛德
聖心勤恤為生民

五色綵絲初獻壽九重嘉氣頌長生庇民精意方虔鞏
垂拱仁風更穆清

浴蘭襲祉良辰啟握紀無為聖道尊烏奕嘉祥充九禁
冲融和氣徧千門

八龍焜燿長生錄五采葳蕤續命絲億載延長資睿筭
萬區康樂遇昌期

皇后閣端午帖子

迎祥競獻雙條連續壽初纏五色絲共仰齋莊隆內訓
永觀萬年茂仙枝

璧沼水嬉飛隼渡瑤箱命縷彩絲新親蠶禮畢無餘事
夙佩珩璜奉紫宸

千門朱索迎嘉祉九禁椒塗納美祥虔奉黼帷承渥惠
永聞彤史播聲芳

六官點畫呈新巧中壺齋明順吉辰德邁河洲芳訓茂
慶隆襟石美祥新

千門襲吉縈朱索九禁開晨闈紫闈官漏正長天睽重
永宣芳訓率三妃

日記采蘭追楚俗化孚流荇誦周詩肅官懿德垂彤管
九御歸心百福宜

中闈正肅鳴環節吉日爰逢采水時億載繁禧同聖壽

百男鴻慶茂仙枝

點畫諸宮初獻巧裁縫中禁又迎祥周南永播河洲化

仰佐鴻明燭萬方

郡王閣端午帖子

對日惠心時共仰沐蘭嘉節慶長絲仰承中緒隆天愛

永奉祥祺襲太熙

彤闈永奉千年慶金策將封一字王佇向景風承異渥

預從嘉節納多祥

五色彩絲頒禁殿千齡嘉慶集藩房玉堂弦誦依真館

日日靈心降美祥

崑山瑞玉題真篆闈苑蟠桃刻印文並獻春閨延美慶

億年嘉氣永氤氲

淑妃閣端午帖子

蕤賓布序逢良月條達延祥記令辰仰奉椒塗宣內治

永昭芳譽冠虞嬪

芳園踏草迎嘉節紫掖鳴環奉鞠衣渥惠日新鴻慶遠

永隆綬序耀層闈

萬寓清和當聖日千門採拾邁良辰上真鴻序宜蕃衍

從此高襟美應新

宴寢奉朝鳴采玉良辰襲慶表長絲仰承中壺垂芳裕

永播周南逮下詩

廷試

殿上衮衣明日月硯中旗影動龍蛇縱橫禮樂三千字

獨對丹墀日未斜

和太師相公秋興十首

原上西風馬力生折膠時候正淒清功名奉立頭空白

即憶金微萬里行

亭臯危葉乍經霜過盡驚鴻落吹長閒上層樓待初月

方壺殘漏下二商

螢光照水星星慶鴈陣橫空字字移何處佳人惜團扇

玉階烟葉動輕颺

苑樹殘蟬送遠愁懶將衰鬢照清流歸來自掃東園葉

學灌寒蔬備晚秋

水樹涼生暑氣銷
踈螢點點漏迢迢
明河案戶蒼龍轉

只有匏瓜綴碧霄

沉沉池閣乍涼天
坐愛蓮薰夜不眠
却憶北門曾候對

半簾斜月玉堂前

相府新秋宴席開
西湖朱履踐蒼苔
白頭舊吏方奔走

不得抽毫逐上才

遙思漢闕雨新情
天際微雲夕吹生
沆瀣氣涼僊掌迥

滿盤宵露結珠英

何漢西傾火漸流
露華微冷透輕裘
何當弄鳳隨鷲吹

直上層城十二樓

彤管少文堪納史
霜戈無藝可防邊
孟諸蒼莽平臺遠

坐對秋光又一年

青州

日上西山舞鳶鶴
波翻碧海鬪蛟龍
直鈎到了成何事

消得君王四履封

此詩見東軒筆錄以為王沂公曾當國鄭公為翰林學士故撼之而作原

本缺今
採入

江州琵琶亭

年光過眼如車轂職事羈人似馬銜若遇琵琶應大笑

何須涕泣滿青衫

此詩原本缺今從
中山詩話采入

狎鷗亭詩

元化平分荷大鈞左符新刻玉為麟南湖特地栽桃李
擬伴沙鷗過十春

海鴈橋邊綠水深絕無塵土近花陰忘機不管人知否

自有溪鷗信此心

書懷

黃閣有賢圖國計皂囊無黨害邊功河湟飲馬無難事

一點沙塵在目中

到任後作

功兼文武帝師臣久厭崇高梁退身任是東山無限好
謝公爭忍負生民

西廳

階除盡日微風度簾幕先秋暑氣還莫訝使君臨案久
雨晴端正見南山

宮詞

鬢攏春煙濕翠翹石榴裙慢裊纖腰絳脣不敢深深注
却怕香脂污玉簫

新染羅衣窄地紅喜迎天仗宴春風歌詞若入君王聽
不惜新教教六宮

古意

重上青樓拂蛛網却勻愁黛對菱波也知新舊爭多少
敢話機頭織素多

漁者

讀徧龍韜事可知一竿閑把直鈎垂秋來江上西風急
且繫扁舟卷釣絲

觀藏珠

敏手機心頗自安遮藏有路巧千般主公當面無因見
只怕旁人冷眼看

此詩出宋文鑑。集墨客揮犀云丁
原本缺今補入。晉公與夏英公會

宴齋官伶人有雜手技號藏掖者在焉丁頌夏曰古
 無咏藏掖詩內翰可作一首即席獻詩云舞拂跳珠
 復吐丸遮藏巧技百千般主公端坐無由見却被傍
 人冷眼者東軒筆錄載此事又易藏掖為弄盃注皆
 與文鑑小異
 故附錄焉

安撫狀元內翰還朝復命再獲侯迎先附短章

以代片幅

兩朝西掖舊詞臣藥苦冰寒四十春霜雪滿頭塵滿袖

自慚重見玉堂人

送張逸人一首

上公詩筆千金重逋客歸裝一棹輕莫向青山更招隱

且留賢哲濟蒼生

徘徊獨鶴翻清景客曳孤雲下絳霄朝市山林本無異

前賢出處盡逍遙

到任涇州寄長安府學諸先輩

半載秦川令始行論文猶未款羣英橫戈且趁徙軍樂
 不及暮年持政成

聞勸農二使渡江訪胡亟隱居

宅臨殷羨投盡渚門擁維摩間疾人詔使艤舟應訪道
雨花交影隔西津

咏鳳

千仞翱翔覽德輝成湯解網四靈歸梧桐欲下還驚去
悄悄饑鷹掠樹飛

聞鶯

春光容與曉風高花映金塗見羽毛莫訝綠楊留不住
由園新雨熟含桃

咏鷹

獲自野羅知性巧飼之鮮食已思豐下鞫未便隨人意
須是經春更一籠

再從西都詠青雀寄張昇諫院

弱羽傷弓尚未完孤飛誰敢擬鴛鴦明珠自有千金價

莫為遊人作彈丸

此詩原本缺今從古今詩話采入。又案魏秦東軒筆錄載此詩傷弓作

輕弦尚作勢誰敢作殊不明珠作黃金千金價作雙南貴為作與其文少異附識于此

厩馬

萬里無塵塞草秋玉輪金輓未延遊上林^首荷^首天池水
飽食長鳴可自羞

薔薇

紅房深淺翠條低滿架清香敵麝臍攀折若無花底刺
豈教桃李獨戒蹊

檻竹

廣廈長廊四面圍小欄霜雪兩三枝簾帷壅蔽無人見
賴有中天日照知

花檻

夢中作

由檻橫欄百寶裝春風容冶看人狂孤松瘦栢無顏色
只有青青待雪霜

題華嚴經詩

黼幄思賢已再三詔書將折紫泥緘嘉言一句利天下
何必金文更作徹函

寄傳法一大師并簡譯席諸大士

譯案多年潤法音性根雖鈍信根深無明不起寃親等

應有龍天證此心
潤色金文數千函
清涼甘露洗塵凡
修行不作伊蘭計
只願三中盡寶嚴

雪後贈雪苑師

雪山修道六年成
雲滿長空雪滿庭
便向箇中登覺地
何須臘月待明星
玉界瓊田萬頃平
一年光景一番新
苑中又見梅花發
信手粘來總是春

千嶂崔嵬雪裏看
東風一夜捲餘寒
岩前溜玉知多少
漲起西江十八灘

老去方知行路難
此心正要覓人安
室中半偈如聞得
便作當年立雪看

偶成

非才編歷清華地
悟佛方為正足身
浮名浮利莫相試
三千世界一微塵
保庇孤根逢聖主
矜修晚節順天機
空門自有清涼地

不向紅塵議是非

燕雀紛紛出亂麻漢家兩岸使君家訟庭永日無留事

一任啁啾到日斜

按詩話胡旦秋監性褊躁居襄陽夏公常師事之及公貴達胡尚以故舊

暇此史作得燕雀一詩因為誦之胡自是少戢

詩餘

喜遷鶯



